

摘藻堂四庫全書薈要

史部

欽定四庫全書薈要

史部

資治通鑑卷二百一



詳校官編修臣汪鏞

欽定四庫全書舊要卷七千一百八十七

史部

資治通鑑卷二百一

宋 司馬光 撰

胡三省 音註

唐紀十七

起玄默閏茂八月盡上章敦祥凡八年有奇

高宗天皇大聖大弘孝皇帝中之上

龍朔二年八月壬寅以許敬宗為太子少師同東西臺

三品知西臺事

同中書門下三品知中書事

九月戊寅初令八品

九品衣碧

衣於既翻

冬十月丁酉上幸驪山溫湯太子監

國監古丁未還宮 庚戌西臺侍郎陝人上官儀同東

西臺三品

西臺侍郎即中書侍郎陝失冉翻

癸丑詔以四年正月有

事於泰山仍以來年二月幸東都 左相許圜師之子

奉輦直長自然遊獵犯人田

奉輦直長即尚輦直長殿中六局直長正七品龍朔

改尚輦局為奉輦局相息亮翻長知兩翻

田主怒自然以鳴鏑射之

射而圜亦翻

師杖自然一百而不以聞田主詣司憲訟之司憲大夫

楊德裔不為治

治直翻

西臺舍人袁公瑜遣人易姓名上

封事告之

西臺舍人即中書舍人為于偽翻上時掌翻

上曰圜師為宰相侵

陵百姓匿而不言豈非作威作福園師謝曰臣備位樞

軸以直道事陛下不能悉允衆心故為人所攻訐

訐居謁嗣

至於作威福者或手握彊兵或身居重鎮臣以文吏奉
事聖明惟知閉門自守何敢作威福上怒曰汝恨無兵
邪許敬宗曰人臣如此罪不容誅遽令引出詔特免官

考異曰舊本紀十一月辛未園師下獄新本紀十一月
辛未園師貶虔州刺史今據實錄辛未免官久之貶虔

州刺史舊紀貶虔州刺史
在三年二月新本紀誤

癸酉立皇子旭輪為殷王

旭輪後改名
旦是為睿宗

十二月戊申詔以方討高麗百濟

麗力知翻

河北之民勞於征役其封泰山幸東都並停 颶海道

總管蘇海政

颶越筆翻

受詔討龜茲

龜茲音丘慈

敕興管亡繼往

絕二可汗發兵與之俱

可從刊入聲汗音寒

至興管亡之境繼往

絕素與興管亡有怨

事見上卷顯慶二年注

密謂海政曰彌射謀

反請誅之

阿史那彌射是為興昔亡可汗

時海政兵纔數千集軍吏謀

曰彌射若反我輩無噍類

噍才笑翻

不如先事誅之

先悉薦翻

乃

矯稱敕令大總管齋帛數萬段賜可汗及諸酋長興管

亡帥其徒受賜海政悉收斬之其鼠尼施拔塞幹兩部

亡走

鼠尼施吸咄陸五部之一也拔塞幹侯斤弩失畢五部之一也酋慈由翻長知兩翻帥讀曰率尼女

夷翻海政與繼往絕追討平之軍還至踈勒南弓月部復

引吐蕃之衆來欲與唐兵戰海政以師老不敢戰以軍

資賂吐蕃約和而還由是諸部落皆以興昔亡為冤各

有離心繼往絕尋卒

復扶又翻卒子恤翻

十姓無主有阿史那都

支及李遮旬收其餘衆附於吐蕃

為都支遮旬連兵反張本

是歲

西突厥寇庭州刺史來濟將兵拒之

厥九勿翻將即亮翻

謂其衆

曰吾久當歿幸蒙存全以至今日當以身報國遂不釋

甲冑赴敵而死

三年春正月左武衛將軍鄭仁泰討鐵勒叛者餘種悉

平之

種章
勇翻

乙酉以李義府為右相

右相中
書令也

仍知選事

選須
絹翻

二月徙燕然都護府於回紇更名瀚海都護徙

故瀚海都護於雲中古城更名雲中都護

燕然都護置
於貞觀二十

一年見一百九十八卷瀚海都護置於永徽元年見一百九十九卷燕因肩翻更工衡翻以磧為境

磧北州府皆隸瀚海磧南隸雲中

雲中都護府治金河即秦漢雲中舊城東

北至朔州三百七十里麟德元年更名單于大都護府杜佑曰單于都護府南至榆林郡百二十里東南到馬

邑郡三百五十里磧七逆翻

三月許圜師再貶虔州刺史

虔州在京師東

南四千一百七十里至東都三千四百里

楊德喬以阿黨流庭州圜師子文

思自然並免官

右相河間郡公李義府典選

選須特

中宮之勢專以賣官為事銓綜無次怨讟盈路上頗聞

之從容謂義府曰卿子及壻頗不謹多為非法我尚為

卿掩覆卿宜戒之

從千容翻為于偽翻覆數人翻

義府勃然變色頸頰

俱張

張知亮翻

曰誰告陛下上曰但我言如是何必就我索

其所從得邪

索山各翻

義府殊不引咎緩步而去上由是不

悅望氣者杜元紀謂義府所居第有獄氣宜積錢二十

萬緡以厭之

厭於
協翻

義府信之聚斂尤急

斂力
贍翻

義府居母

喪朔望給哭假

假古
訝翻

輒微服與元紀出城東登古塚候

望氣色或告義府窺覘災眚陰有異圖

覘丑廉翻人丑
艷翻皆所景翻

又遣其子右司議郎津名長孫無忌之孫延受其錢七

百緡除延司津監

唐東宮司議郎四人正六品上掌殿
奏記注龍朔改司議郎為左司議郎

太子舍人為右司議郎漢官有都水長屬主爵掌諸池
沼後改為使者後漢改為河隄謁者晉置都水臺有使
者一人掌舟楫之事梁改為太舟卿北齊亦曰都水臺
隋改為都水監唐因之貞觀改為使者從六品龍朔元

年改為司津監掌
川澤津梁之政令

右金吾倉曹參軍楊行穎告之夏四

月乙丑下義府獄

下遐
嫁翻

遣司刑太常伯劉祥道與御史

詳刑共鞫之

司刑太常伯即刑部尚書詳刑大理也唐
自永徽以後大獄以尚書刑部御史臺大

理寺官雜按
謂之三司

仍命司空李勣監焉

監古
御翻

事皆有實戊子

詔義府除名流雋州津除名流振州諸子及壻並除名

流庭州朝野莫不稱慶

雋音髓朝
直遙翻

或作河間道行軍元

帥劉祥道破銅山大賊李義府露布

李義府河間人故
云然帥所類翻

勝之通衢義府多取人奴婢及敗各散歸其家故其露

布云混奴婢而亂放各識家而競入

此姑述時人快義府之得罪而有是

通鑑因采而誌之以為世鑒學者為文類有所祖漢高帝為太上皇營新豐後人誌其事其辭云混雞犬而亂放各識家而競入此語所祖有自來矣

乙未置鷄林大都督府於新羅

國以金法敏為之

丙午蓬萊宮含元殿成上始移仗

居之更命故宮曰西內

故宮謂太極宮自武德以來人主居之自是以後謂之西內更

工衡

戊申始御紫宸殿聽政

蓬萊宮正殿曰含元殿含元之後曰宣政殿宣政殿

壯曰紫宸門內有紫宸殿即內衙之正殿

五月壬午柳州蠻酋吳君解反

柳州漢潭中縣地隋置馬平縣唐武德四年置南昆州貞觀八年改曰柳州

遣冀州長史劉

伯英右武衛將軍馮士翽發嶺南兵討之

翽呼外翻

吐蕃

與吐谷渾互相攻各遣使上表論曲直更來求援

吐從入

聲谷音浴使疏吏翻上時掌翻更工衛翻迭也

上皆不許吐谷渾之臣素和貴

有罪逃奔吐蕃具言吐谷渾虛實吐蕃發兵擊吐谷渾

大破之吐谷渾可汗曷鉢與弘化公主帥數千帳奔國

走依涼州請徙居內地

唐會要曰吐谷渾自永嘉之末始西度洮水建國於羣羌之故

地龍朔三年為吐蕃所滅凡三百五十年帥讀曰率下同

上以涼州都督鄭仁泰為

青海道行軍大總管帥右武衛將軍獨孤卿雲辛文陵

等分屯涼鄯二州以備吐蕃

鄯時戰翻涼鄯相去五百八十里

六月戊

申又以左武衛大將軍蘇定方為安集大使節度諸軍

為吐谷渾之援吐蕃祿東贊屯青海遣使者論仲琮入

見

吐蕃立國之初有大論小論以統國事後因以為貴姓見賢遍翻

表陳吐谷渾之罪

且請和親上不許遣左衛郎將劉文祥使于吐蕃降璽

書責讓之

將即亮翻璽斯氏翻

秋八月戊申上以海東累歲用

兵百姓困於征調

調徒弔翻

士卒戰溺死者甚衆

溺奴翻詔罷

三十六州所造船遣司元太常伯竇德立等

司元太常伯即戶部

尚分詣十道問人疾苦黜陟官吏德玄毅之曾孫也寶毅

太穆皇
后之父

九月戊午熊津道行軍總管右威衛將軍孫

仁師等破百濟餘衆及倭兵於白江拔其周留城

倭烏
禾翻

初劉仁願劉仁軌既克真峴城

克真峴城見
上卷二年

詔孫仁師

將兵浮海助之

將即亮
翻下同

百濟王豐南引倭人以拒唐兵

仁師與仁願仁軌合兵執大振諸將以加林城水陸之

衝欲先攻之仁軌曰加林險固急攻則傷士卒緩之則

曠日持久周留城虜之巢穴羣凶所聚除惡務本

書泰
誓之

言宜先攻之若克周留諸城自下於是仁師仁願與新

羅王法敏將陸軍以進仁軌與別將杜爽扶餘隆將水

軍及糧船自熊津入白江以會陸軍同趣周留城

趣七喻翻

遇倭兵於白江口四戰皆捷焚其舟四百艘烟炎灼天

艘蘇遭翻
炎讀曰燄

海水皆赤百濟王豐脫身奔高麗王子忠勝

忠志等帥衆降

帥讀曰率下之帥皆
帥同降戶江翻下同

百濟盡平唯別帥

遲受信據任存城不下

帥所類翻
尉紆勿翻

初百濟西部人黑齒

常之長七尺餘驍勇有謀略

長直亮翻
驍堅堯翻

仕百濟為達率

兼郡將猶中國刺史也

新羅官有十六品左平一品達率二品五方各有方領一人以

達率為之方有十郡郡有將三人以德率為之德率四品百濟置官蓋與新羅略同也率所類翻蘇定

方克百濟常之帥所部隨衆降定方繫其王及太子縱

兵劫掠壯者多歿常之懼與左右十餘人遁歸本部收

集亡散保任存山結柵以自固旬月間歸附者三萬餘

人定方遣兵攻之常之拒戰唐兵不利常之復取二百

餘城

復扶又翻

定方不能克而還

還從宣翻又如字

常之與別部將

沙吒相如

沙吒夷人複姓沙吒陟加翻

各據險以應福信百濟既敗皆

帥其衆降劉仁軌使常之相如自將其衆取任存城仍以糧仗助之孫仁師曰此屬獸心何可信也仁軌曰吾觀二人皆忠勇有謀敦信重義但鄉者所託未得其人今正是其感激立效之時不用疑也遂給其糧仗分兵隨之攻拔任存城遲受信弃妻子奔高麗詔劉仁軌將兵鎮百濟召孫仁師劉仁願還百濟兵火之餘比屋彫殘比毗必翻又毗至翻僵尸滿野仁軌始命瘞骸骨籍戶口理村聚署官長通道塗立橋梁補隄堰復陂塘課耕桑賑貧

乏養孤老立唐社稷頒正朔及廟諱

卒如仁軌之志所謂有志者事竟成

也僵居良翻瘞於計翻長知兩翻賑津忍翻

百濟大悅闔境各安其業然後

修屯田儲糗糧訓士卒以圖高麗

糗去九翻

劉仁願至京師

上問之曰卿在海東前後奏事皆合機宜復有文理

復扶

又翻卿本武人何能如是仁願曰此皆劉仁軌所為非臣

所及也上悅加仁軌六階

勲有級官有階

正除帶方州刺史為

築第長安厚賜其妻子遣使齎璽書勞勉之

為于偽翻使䟽吏翻

勞力到翻上官儀曰仁軌遭黜削而能盡忠

黜削謂白衣仁從軍自効也

願秉節制而能推賢皆可謂君子矣 冬十月辛巳朔

詔太子每五日於光順門內視諸司奏事

唐六典大明宮紫宸殿內

朝正殿也殿之南面曰紫宸門左曰宗明門右曰光順門

其事之小者皆委太子決

之 十二月庚子詔改來年元 壬寅以安西都護高

賢為行軍總管將兵擊弓月以救于闐 是歲大食擊

波斯拂菻破之

拂菻古大秦國也居西海上一曰海西國去京師四萬里北直突厥可薩部西

瀕海東南接波斯杜佑曰大秦前漢犂軒國也犂力錦翻又力鳩翻類篇曰佛抹

南侵婆羅門

吞滅諸蕃勝兵四十餘萬

勝音升

麟德元年

去年絳州麟見又含元殿前麟趾見於是改元

春正月甲子改雲中

都護府為單于大都護府以殷王旭輪為單于大都護

單音蟬

初李靖破突厥

見一百九十三卷太宗貞觀四年厥九勿翻

遷三百帳

于雲中城阿史德氏為之長

長知兩翻

至是部落漸衆阿史

德氏詣闕請如其法立親王為可汗以統之上召見謂

曰今之可汗古之單于也故更為單于都護府

更工衛翻改也

而使殷王遙領之

二月戊子上行幸萬年宮

永徽二年改九

成宮為萬年宮

夏四月壬子衛州刺史道孝王元慶薨

丙

午魏州刺史郇公孝協坐賊賜死司宗卿隴西王博義

奏孝協父叔良死王事

司宗卿即宗丘卿叔良太祖之孫高祖時叔良擊突厥中流矢

薨郇音荀

孝協無兄弟恐絕嗣上曰畫一之法不以親疎異

制

漢書云蕭何為法講若畫一注云畫一言整齊也

苟害百姓雖皇太子亦所

不赦孝協有一子何憂乏嗣乎孝協竟自盡於第 五

月戊申朔遂州刺史許悼王孝薨

孝上子也後宮所生

乙卯於

昆明之弄棟川置姚州都督府

劉昫曰漢益州郡之雲南縣古滇國後漢屬永

昌郡蜀劉氏分永昌為建寧郡又分永昌建寧置雲南郡而治于弄棟晉改為晉寧郡又置寧州武德四年安

撫大使李英以此川人多姓姚故置姚州今陞置都督府管州三十二

秋七月丁未朔

詔以三年正月有事於岱宗八月丙子車駕還京師

幸舊宅

舊宅帝為晉王時所居也

留七日壬午還蓬萊宮丁亥以

司列太常伯劉祥道兼右相

司列太常伯即吏部尚書

大司憲竇德

玄為司元太常伯檢校左相

太府憲即御史大夫司元太常伯即戶部尚書左相

即侍中

冬十月庚辰檢校熊津都督劉仁軌上言

上時臣掌翻

伏覩所存戍兵疲羸者多勇健者少

羸倫為翻少詩治翻

衣服貧

敝唯思西歸無心展效臣問以往在海西見百姓人人

應募爭欲從軍或請自辦衣糧謂之義征何為今日士

卒如此咸言今日官府與曩時不同人心亦殊曩時東

西征役身沒王事並蒙敕賜弔祭

使疏吏翻

追贈官爵或以

死者官爵回授子弟凡度遼海者皆賜勲一轉自顯慶

五年以來征人屢經度海官不紀錄其死者亦無入誰

何

誰何問也問其為誰緣何而死也

州縣每發百姓為兵其壯而富者

行錢參逐皆亡匿得免

謂州縣官發人為兵其吏卒之參陪隨逐者富民行錢與之相

為掩蔽得以亡匿按元和四年御史臺奏比來常參官入光範門及中書省所將參從人數頗多參從猶參逐

也貧者身雖老弱被發即行頃者破百濟及平壤苦戰

破百濟見上卷顯慶五年平壤

當時將帥號令許以勲

賞無所不至及達西岸惟聞枷鎖推禁奪賜破勲州縣

追呼無以自存公私困弊不可悉言以是昨發海西之

日已有逃亡自殘者非獨至海外而然也又本因征役

授勲級以為榮寵而比年出征皆使勲官挽引

比毗至翻挽引

謂挽引勞苦與白丁無殊百姓不願從軍率皆由此臣

又問曩日士卒留鎮五年尚得支濟今爾等始經一年

何為如此單露咸言初發家目惟令備一年資裝今已

二年未有還期臣檢校軍士所留衣今冬僅可充事來

秋以往全無準擬陛下留兵海外欲殄滅高麗百濟高

麗舊相黨援倭人雖遠亦共為影響若無鎮兵還成一

國今既資戍守又置屯田所藉士卒同心同德而衆有

此議何望成功自非有所更張厚加慰勞

董仲舒曰琴瑟不調必改

而更張之更工衡翻勞力到翻

明賞重罰以起士心若止如今日以前

處置恐師衆疲老立效無日逆耳之事或無人為陛下

盡言

處昌呂翻
為于偽翻

故臣披露肝膽昧死奏陳上深納其言

遣右威衛將軍劉仁願將兵渡海以代舊鎮之兵

將即
亮翻

仍敕仁軌俱還仁軌謂仁願曰國家懸軍海外欲以經

略高麗其事非易

易以
鼓翻

今收穫未畢而軍吏與士卒一

時代去軍將又歸

將即亮翻
下軍將同

番人新服衆心未安必將

生變不如且留舊兵漸令收穫辦具資糧節級遣還

節級

猶今人言
節次也

軍將且留鎮撫未可還也仁願曰吾前還海

西大遭讒謗云吾多留兵衆謀據海東幾不免禍

幾居
希翻

今日唯知准敕

准與準同本朝寇準為相省吏避其名凡文書準字皆去十後遂因而不改

豈敢擅有所為仁軌曰人臣苟利於國知無不為豈恤

其私乃上表陳便宜

上時掌翻

自請留鎮海東上從之仍以

扶餘隆為熊津都尉

考異曰實錄作熊津都督按時劉仁軌檢校熊津都督豈可復以隆

為之明年實錄稱熊津都尉扶餘隆與金法敏盟今從之

使招輯其餘衆初武后

能屈身忍辱奉順上意故上排羣議而立之及得志專

作威福上欲有所為動為后所制上不勝其忿有道士

郭行真出入禁中嘗為厭勝之術

勝音升厭於協翻又於琰翻

宦者

王伏勝發之上大怒密召西臺侍郎同東西臺三品上

官儀議之儀因言皇后專恣海內所不與請廢之上意

亦以為然即命儀草詔左右奔告于后后遽詣上自訴

詔草猶在上所上羞縮不忍復待之如初

復扶又翻

猶恐后

怨怒因給之曰我初無此心皆上官儀教我儀先為陳

王諮議與王伏勝俱事故太子忠

忠自陳王立為皇太子王府諮議參軍正

五品上掌討謨左右

后於是使許敬宗誣奏儀伏勝與忠謀大逆

十二月丙戌儀下獄

下遐嫁翻

與其子庭芝王伏勝皆死籍

沒其家戊子賜忠死于流所

顯慶五年忠徙黔州

右相劉祥道坐

與儀善罷政事為司禮太常伯

司禮太常伯即禮部尚書

左肅機鄭

欽泰等

左肅機即尚書左丞

朝士流貶者甚衆皆坐與儀交通故

也

朝直送翻

自是上每視事則后垂簾於後政無大小皆與

聞之

與讀日預

天下大權悉歸中宮黜陟殺生決於其口天

子拱手而已中外謂之二聖

考異曰唐歷羣臣朝謁萬方表奏皆呼為二聖帝

坐于東間后坐于西間后隨其愛憎生殺在口按武后雖悍戾豈得高宗尚在與高宗對坐受羣臣朝謁乎恐

不至此今從實錄

太子右中護檢校西臺侍郎樂彥璋

龍朔改左

右庶子為左右中護

西臺侍郎孫處約並同東西臺三品

二年春正月丁卯吐蕃遣使入見請復與吐谷渾和親

見賢遍翻復扶又翻

仍求赤水地畜牧

即河源之赤水也本吐谷渾地畜吁玉翻

上不

許二月壬午車駕發京師丁酉至合璧宮上語及

隋煬帝謂侍臣曰煬帝拒諫而亡朕常以為戒虛心求

諫而竟無諫者何也李勣對曰陛下所為盡善羣臣無

得而諫

褚遂良韓瑗之死不唯拒諫且殺諫者矣群臣誰敢復諫乎李勣獻諛以苟利祿而不知凶于

其家三月甲寅以兼司戎大常伯姜恪同東西臺三品

恪寶誼之子也

司戎太常伯即兵部尚書姜寶誼從高祖起兵於太原

辛未東都

乾元殿成

乾元殿洛陽宮正殿也武后垂拱四年毀為明堂

閏月壬申朔車駕

至東都

踈勒弓月引吐蕃侵于闐敕西州都督崔知

辯左武衛將軍曹繼叔將兵救之

將即亮翻考異曰實錄作西州都督按

於時未有西川之名必西州也

夏四月戊辰左侍極陸敦信

龍朔改左右散

騎常侍為左右侍極

檢校右相

句斷

西臺侍郎孫處約太子右中護

檢校西臺侍郎樂彥瑋並罷政事

處昌呂翻

祕閣郎中李

淳風

龍朔改太史局為祕閣局令為郎中丞為郎

以傅仁均戊寅歷推步浸

踈乃增損劉焯皇極歷

戊寅歷始行見一百八十七卷高祖武德二年隋時劉焯造甲

子元歷謂之皇極歷為張賓所損不得行焯之若翻

更撰麟德歷五月辛卯行之

更工衡翻

秋七月己丑兗州都督鄧康王元裕薨

上命

熊津都尉扶餘隆與新羅王法敏釋去舊怨

去羌呂翻

八月

壬子同盟于熊津城劉仁軌以新羅百濟耽羅倭國使

者浮海西還

耽羅國一曰億羅居新羅武州南島上初附百濟後附新羅

會祠泰山

高麗亦遣太子福男來侍祠

冬十月癸丑皇后表稱

封禪舊儀祭皇地祇太后昭配而令公卿行事禮有未

安至日妾請帥內外命婦奠獻

內命婦自三妃至采女以備古者三夫人九嬪

二十七世婦八十一御妻又有六尚二十四司二十四

典二十四掌龍朔二年又置贊德宣徽承旨衛仙

供奉侍御侍巾亦分為九品皆內官也外命婦皇姑封

大長公主皇姊妹封長公主皇女封公主皇太子之女

封郡主王之女封縣主王母妻為妃一品及國公母妻

為國夫人三品以上母妻為郡夫人五品勳官三品封

母妻為縣君散官並同職事勳官四品封母

妻為鄉君其母並加太字各視其夫子之品

詔禪社首

以皇后為亞獻

兗州博城縣有社首山

越國太妃燕氏為終獻

燕氏

越王貞之母蓋太宗妃嬪此時唯燕氏在也燕因肩詡

壬戌詔封禪壇所設上帝

后土位先用藁秸陶匏等

秸古黠詡

並宜改用茵褥罍爵其

諸郊祀亦宜準此又詔自今郊廟享宴文舞用功成慶

善之樂武舞用神功破陳之樂

陳讀曰陣

丙寅上發東都從

駕文武儀仗數百里不絕

從才用翻

列營置幕彌亘原野東

自高麗西至波斯烏長諸國

自吐火羅踰五種至婆羅觀邏北踰山行六百里得

烏長國長讀曰長朝會者各帥其屬扈從穹廬毳幕牛羊駝馬

填咽道路時比歲豐稔

朝直遙翻帥讀曰率從才用翻比毗至翻

米斗至五

錢麥豆不列于市 十一月戊子上至濮陽

濮陽額頃之墟春秋

衛成公自楚丘徙此漢為濮陽縣帶東郡晉分為濮陽郡隋為縣屬滑州唐屬濮州濮博木翻寶德玄

騎從

騎奇寄翻
從才用翻

上問濮陽謂之帝丘何也德玄不能對

許敬宗自後躍馬而前曰昔顓頊居此故謂之帝丘上

稱善敬宗退謂人曰大臣不可以無學吾見德玄不能

對心實羞之德玄聞之曰人各有能有不能吾不強對

以所不知此吾所能也

強其
兩翻

李勣曰敬宗多聞信美矣

德玄之言亦善也壽張人張公藝九世同居

壽張縣前
漢曰壽良

屬東郡光武改壽張屬東
平國隋屬濟州唐屬鄆州

齊隋唐皆旌表其門上過壽

張幸其宅問所以能共居之故公藝書忍字百餘以進

上善之賜以縑帛十二月丙午車駕至齊州留十日丙辰發靈巖頓至泰山下有司於山南為圓壇山上為登封壇社首山上為降禪方壇

乾封元年春正月戊辰朔上祀昊天上帝于泰山南己巳登泰山封玉牒上帝冊藏以玉匱配帝冊藏以金匱皆纏以金繩封以金泥印以玉璽藏以石碣

璽斯氏翻碣古禪翻

庚午降禪于社首祭皇地祇上初獻畢執事者皆趨下宦者執帷皇后升壇亞獻帷帟皆以錦繡為之

周禮注在旁曰

帷在上曰帝帝幄中
座上承塵也帝音亦

酌酒實俎豆登歌皆用宮人壬申

上御朝覲壇受朝賀

朝直遙
翻下同

赦天下改元文武官三品

已上賜爵一等四品已下加一階先是階無泛加皆以

勞考叙進至五品三品仍奏取進止

先悉
薦翻

至是始有泛

階比及末年服緋者滿朝矣

比必
利翻

時大赦惟長流人不

聽還李義府憂憤發病卒

龍朔三年李
義府流雋州

自義府流竄朝

士日憂其復入及聞其卒衆心乃安

復扶又翻
卒子恤翻

丙戌車

駕發泰山辛卯至曲阜

曲阜魯侯伯禽所都應劭云曲
阜在魯城中委曲長七八里隋

始置曲阜縣屬兗州

贈孔子太師以少牢致祭

少詩
照翻

癸未至亳州

謁老君廟

亳州谷陽縣漢苦縣也有老子祠是年改為真源縣亳州至東都八百九十八里

上

尊號曰太上玄元皇帝丁丑至東都留六日甲申辛合

壁宮夏四月甲辰至京師

東都至京師
八百五十里

謁太廟

庚戌

左侍極兼檢校右相陸敦信以老疾辭職拜大司成兼

左侍極罷政事

大司成即
國子祭酒

五月庚寅鑄乾封泉寶錢

一當十俟期年盡廢舊錢

期讀
日替

高麗泉蓋蘇文卒長

子男生代為莫離支

卒子恤翻
長知兩翻

初知國政出巡諸城使

其弟男建男產知留後事或謂二弟曰男生惡二弟之

逼

惡鳥路翻

意欲除之不如先為計二弟初未之信又有告

男生者曰二弟恐兄還奪其權欲拒兄不納男生潛遣

所親往平壤伺之

伺相吏翻

二弟收掩得之乃以王命召男

生男生懼不敢歸男建自為莫離支發兵討之男生走

保別城使其子獻誠詣闕求救六月壬寅以左驍衛大

將軍契必何力為遼東道安撫大使將兵救之以獻誠

為右武衛將軍使為鄉導

契欺訖翻必毗必翻大使疏吏翻將即亮翻鄉讀曰嚮

又以右金吾衛將軍龐同善營州都督高侃為行軍總管同討高麗 秋七月乙丑朔徙殷王旭輪為豫王以

大司憲兼檢校太子左中護劉仁軌為右相初仁軌為

給事中按畢正義事

事見上卷顯慶元年

李義府怨之出為青州

刺史會計百濟仁軌當浮海運糧時未可行

海行非遇順風不可

義府督之遭風失船丁夫溺死甚衆命監察御史袁異

式往鞠之

溺奴狄翻監古銜翻

義府謂異式曰君能辦事不憂無

官異式至謂仁軌曰君與朝廷何人為讐宜早自為計

仁軌曰仁軌當官不職國有常刑公以法斃之無所逃

命若使遽自引決以快讐人竊所未甘乃具獄以聞異

式將行仍自掣其鎖

恐鎖不入黃行後得私開之也掣昌列翻

獄上

上時掌翻

義

府言於上曰不斬仁軌無以謝百姓舍人源直心曰海

風暴起非人力所及上乃命除名以白衣從軍自效

事見

上卷顯慶五年

義府又諷劉仁願使害之仁願不忍殺及為大

司憲異式懼不自安仁軌瀝觴告之曰仁軌若念疇昔

之事有如此觴仁軌既知政事異式尋遷詹事丞

詹事丞正

六品上

時論紛然仁軌聞之遽薦為司元大夫

司元大夫即戶部郎

中

監察御史杜易簡謂人曰

易以鼓翻

斯所謂矯枉過正矣

八月辛丑司元太常伯兼檢校左相竇德玄薨初

武士彠娶相里氏

彠一號翻相息亮翻

生男元慶元奭又娶楊氏

生三女長適越王府法曹賀蘭越石

長知西翻

次皇后次適

郭孝慎士彠卒元慶元奭及士彠兄子惟良懷運皆不

禮於楊氏楊氏深銜之越石孝慎及孝慎妻並早卒越

石妻生敏之及一女而寡后既立楊氏號榮國夫人越

石妻號韓國夫人

唐制國夫人位一品

惟良自始州長史超遷司

衛少卿

司衛少卿即衛尉少卿

懷運自瀛州長史遷淄州刺史元

慶自右衛郎將為宗正少卿

此時已改宗正為司宗

元奭自安州

戶曹累遷少府少監

此時已改少府監為內府監

榮國夫人嘗置酒

謂惟良等曰頗憶疇昔之事乎今日之榮貴復何如對

曰惟良等幸以功臣子弟早登宦籍揣分量才不求貴

達豈意以皇后之故曲荷朝恩夙夜憂懼不為榮也

復扶

又翻分扶問翻荷下可翻朝直遙翻

榮國不悅皇后乃上疏請出惟良等

為遠州刺史

上時字嗣

外示謙抑實惡之也

惡烏路翻下后惡同

於是

以惟良檢校始州刺史元慶為龍州刺史元奐為濠州

刺史

龍州古江油秦漢曹魏為無人之地鄧艾伐蜀由陰平景谷行無人之地七百里始至江油晉置陰

平郡於此置平武縣至梁有楊李二姓大豪分據其地後魏平蜀置龍州濠州漢鍾離縣地晉安帝分置鍾離

郡梁置北徐州後齊曰西楚州隋開皇二年改曰濠州

唐曰濠州始州至京師一千六百六十二里至東都二

千五百六十里龍州至京師二千六百六十里東都三

千一百一十五里濠州至京師二千一百五十里東都

一千三百一十三里

元慶至州以憂卒

卒子恤翻下同

元奐坐事流振州

而死韓國夫人及其女以后故出入禁中皆得幸於上

韓國尋卒其女賜號魏國夫人上欲以魏國為內職心

難后未決后惡之會惟良懷運與諸州刺史詣泰山朝

覲從至京師惟良等獻食

朝直遙翻從才用翻

考異

惟良等獻食
今從實錄

后密置毒醢中使魏國食之暴卒因歸罪

於惟良懷運丁未誅之改其姓為蝮氏懷運兄懷亮早

卒其妻善氏尤不禮於榮國坐惟良等没入掖庭榮國

令后以他事束棘鞭之肉盡見骨而死九月龐同善

大破高麗兵泉男生帥衆與同善合詔以男生為特進

遼東大都督兼平壤道安撫大使封玄菟郡公

帥讀曰率使疏

吏翻下同
兔同都翻

戊子金紫光祿大夫致仕廣平宣公劉祥

道薨子齊賢嗣齊賢為人方正上甚重之為晉州司馬

將軍史興宗嘗從上獵苑中因言晉州產佳鷄劉齊賢

今為司馬請使捕之上曰劉齊賢豈捕鷄者邪

鷄弋照翻

卿

何以此待之冬十二月己酉以李勣為遼東道行軍

大總管以司列少常伯安陸郝處俊副之

安陸縣漢屬江夏郡宋分

屬安陸郡隋唐屬安州處昌呂翻

以擊高麗龐同善契苾何力並為遼

東道行軍副大總管兼安撫大使如故其水陸諸軍總

管并運糧使竇義積獨孤卿雲郭待封等並受勛處分

處昌呂翻
分扶問翻

河北諸州租賦悉詣遼東給軍用待封孝恪

之子也

郭孝恪事太宗
戰死於龜茲

勛欲與其壻京兆杜懷恭偕行

以求勲效懷恭辭以貧勛贍之復辭以無奴馬

贍昌艷
翻下同

復扶
又翻

又贍之懷恭辭窮乃亡匿岐陽山中謂人曰公欲

以我立法耳勛聞之流涕曰杜郎疎放

今人猶呼
壻為郎

此或

有之乃止

二年春正月上耕藉田有司進耒耜加以彫飾上曰耒

耜農夫所執豈宜如此之麗命易之耒虛對翻既而耕之九

推乃止

耕籍之制月令及鄭玄注周禮皆云天子三推虛植注禮記曰天子耕籍一發九推耒此用虛

說也推吐雷翻

自行乾封泉寶錢穀帛踊貴商賈不行

賈音古

癸未詔罷之 二月丁酉涪陵悼王愔薨

愔上弟也涪音浮愔於今

翻

辛丑復以萬年宮為九成宮

永徽二年改九成宮為萬年宮復扶又翻

又如字

生羗十二州為吐蕃所破三月戊寅悉罷之

上屢責侍臣不進賢衆莫敢對司列少常伯李安期對

曰天下未嘗無賢亦非羣臣敢蔽賢也

司列少常伯即吏部侍郎少始

照比來公卿有所薦引為讒者已指為朋黨滯淹者未

獲伸而在位者先獲辜是以各務杜口耳陛下果推至

誠以待之其誰不願舉所知此在陛下非在羣臣也上

深以為然安期百樂之子也

李百樂德林之子比毗至翻

夏四月

乙卯西臺侍郎楊弘武戴至德正諫大夫兼東臺侍郎

李安期東臺舍人昌樂張文瓘司列少常伯兼正諫大

夫河北趙仁本並同東西臺三品

龍朔改給事中為東臺舍人諫議大夫為

正諫大夫
樂音洛

弘武素之弟子

楊素仕
隋貴顯

至德胄之兄子也

戴胄

相太

時造蓬萊上陽合璧等宮

上陽宮在洛陽宮城之西南隅南臨洛水西距

殺水東即宮城北連禁苑宮內正門正殿皆東向正門曰提象正殿曰觀風其內別殿亭觀九所上陽之西隅殺水有西上陽宮虹梁跨殺行幸往來

頻征伐四裔廐馬萬匹倉庫漸虛

張文瓘諫曰隋鑒不遠願勿使百姓生怨上納其言減

廐馬數千匹 秋八月己丑朔日有食之 辛亥東臺

侍郎同東西臺三品李安期出為荊州長史

荊州京師東南一千

七百三十里至東都一千三百三十五里宋白曰荊州秦南郡地漢為臨江國江左置荊州以為重鎮擬周之

分陝唐為
大都督府

九月庚申上以久疾命太子弘監國

監古
街翻

辛未李勣拔高麗之新城使契苾何力守之勣初度

遼謂諸將曰新城高麗西邊要害不先得之餘城未易

取也

易以
鼓翻

遂攻之城人師夫仇等縛城主開門降

降戶
江翻

勣引兵進擊一十六城皆下之麗同善高侃尚在新城

泉男建遣兵襲其營左武衛將軍薛仁貴擊破之侃進

至金山與高麗戰不利高麗乘勝逐北仁貴引兵橫擊

大破之斬首五萬餘級

新書作斬
級五千

拔南蘇木底蒼巖三

城

三城後皆置為州

與泉男生軍合郭待封以水軍自別道趣

平壤勅遣別將馮師本載糧仗以資之

趣七喻翻將即亮翻

師本

船破失期待封軍中飢窘欲作書與勅恐為虜所得知

其虛實乃作離合詩以與勅

離合詩離析字畫合之成文以見其意

勅怒

曰軍事方急何以詩為必斬之行軍管記通事舍人元

萬頃為釋其義

管記字軍中書檄為于偽翻

勅乃更遣糧仗赴之萬

頃作檄高麗文曰不知守鴨綠之險泉男建報曰謹聞

命矣即移兵據鴨綠津唐兵不得度上聞之流萬頃於

嶺南郝處俊在高麗城下未及成列高麗奄至軍中大

駭處俊據胡床方食乾糒

胡床即今之交床
乾音干糒音備

潛簡精銳

擊敗之

敗補
邁翻

將士服其膽略

冬十二月甲午詔自今

祀昊天上帝五帝皇地祇神州地祇並以高祖太宗配

仍合祀昊天上帝五帝於明堂

北兼用貞觀
顯慶之禮

是歲海

南獠陷瓊州

瓊州本隋朱崖郡之瓊山縣
貞觀五年置瓊州獠魯皓翻

總章元年

以將作明堂改元
是年三月方改元

春正月壬子以右相劉仁

軌為遼東道副大總管二月壬午李勣等拔高麗扶

餘城

扶餘國之故墟
故城存其名

薛仁貴既破高麗於金山乘勝將

三千人將攻扶餘城諸將以其兵少止之仁貴曰兵不

在多顧用之何如耳遂為前鋒以進與高麗戰大破之

殺獲萬餘人遂拔扶餘城扶餘川中四十餘城皆望風

請服侍御史洛陽賈言忠奉使自遼東還

使疏
史翻

上問以

軍事言忠對曰高麗必平上曰卿何以知之對曰隋煬

帝東征而不克者人心離怨故也

事見隋
煬帝紀

先帝東征而

不克者高麗未有豐也

事見太宗
紀
豐許觀翻

今高藏微弱權臣

擅命蓋蘇文死男建兄弟內相攻奪男生傾心內附為

我鄉導

鄉讀日嚮

彼之情偽靡不知之以陛下明聖國家富

彊將士盡力以乘高麗之亂其勢必克不俟再舉矣且

高麗連年飢饉妖異屢降

妖於喬翻

人心危駭其亡可翹足

待也上又問遼東諸將孰賢

謂征遼東之諸將也

對曰薛仁貴勇

冠三軍龐同善雖不善鬪而持軍嚴整高侃勤儉自處

忠果有謀契必何力沈毅能斷雖頗忌前

冠古玩翻處昌呂翻沈持

林翻斷丁亂翻忌前忌人在已前也

而有統御之才然夙夜小心忘身憂

國皆莫及李勣也上深然其言泉男建復遣兵五萬人

救扶餘城

復扶天翻

與李勣等遇於薛賀水

新書作薩賀水

合戰大

破之斬獲三萬餘人進攻大行城拔之朝廷議明堂

制度略定三月庚寅赦天下改元戊寅上幸九成宮

夏四月丙辰彗星見于五車

五車五星五帝車舍也五帝坐也主天子五兵

一曰主五穀豐耗西北大星曰天庫主太白金主秦次東北曰獄主辰星主燕趙次東星曰天倉主歲星主魯衛次東南曰司空主填星主楚次西南曰卿星主災惑主魏五星有變皆以其所占之據舊紀五車在昴畢間凡

賢遍翻下同

彗祥歲翻

上避正殿減常膳撤樂許敬宗等奏請復

常曰彗見東北高麗將滅之兆也上曰朕之不德謫見

于天豈可歸咎於外且高麗百姓亦朕之百姓也不許

戊辰彗星滅 辛巳西臺侍郎同東西臺三品楊弘武

薨 八月辛酉卑列道行軍總管右威衛將軍劉仁願

坐征高麗逗留流姚州 癸酉車駕還京師 九月癸

巳李勣拔平壤勣既克大行城諸軍出它道者皆與勣

會進至鴨綠柵高麗發兵拒戰勣等奮擊大破之追奔

二百餘里拔辱夷城諸城遁逃及降者相繼

降戶江
翻下同

契

苾何力先引兵至平壤城下勅軍繼之圍平壤月餘高

麗王藏遣泉男產帥首領九十八人持白幡詣勅降勅

以禮接之

帥讀曰率

泉男建猶閉門拒守頻遣兵出戰皆敗

男建以軍事委僧信誠信誠密遣人詣勅請為內應後

五日信誠開門勅縱兵登城鼓譟焚城四月

月當作角否則作周

男建自刺不死

刺七亦翻

遂擒之高麗悉平

冬十月戊午

以烏茶國婆羅門盧迦逸多為懷化大將軍

烏茶國一曰烏菴直

天竺南東距勃律六百里西蜀賓四百里婆羅門僧也唐置懷化大將軍從三品以授蕃官

逸多自

言能合不死藥

合音

上將餌之東臺侍郎郝處俊諫曰

修短有命非藥可延貞觀之末

觀古玩翻

先帝服那羅邇娑

婆寐藥竟無效大漸之際名醫不知所為議者歸罪娑

婆寐將加顯戮恐取笑外蕃而止

娑婆寐事見上卷顯慶二年

前鑒

不遠願陛下深察上乃止李勣將至上命先以高藏

等獻于昭陵具軍容奏凱歌入京師獻于太廟十二月

丁巳上受俘于含元殿

東內正殿曰含元殿唐六典曰含元殿即龍首山之東趾階上

高於平地四十餘尺南去丹鳳門四百餘步東西廣五百步殿前玉階三級每級引出一螭頭其下為龍尾道

委蛇屈曲
凡七轉

以高藏政非已出赦以為司平太常伯負外

同正

司平太常伯即工部尚書按舊書永徽五年尚藥奉御蔣孝璋負外特置仍同正員員外同正自此

始

以泉男產為司宰少卿

司宰少卿即光祿少卿

僧信誠為銀青

光祿大夫泉男生為右衛大將軍李勣以下封賞有差

泉男建流黔中

黔音琴

扶餘豐流嶺南分高麗五部百七

十六城六十九萬餘戶為九都督府四十二州

新城州遼城州

哥勿州衛樂州舍利州居素州越喜州去旦州建安州比有九都督府四十二州存於志者南蘇蓋牟代那倉巖磨米積利黎山延津木底安市諸北識利拂涅拜漢十四州而已百縣置安東都護府

於平壤以統之擢其酋帥有功者為都督刺史縣令與

華人參理

酋慈由翻帥所類翻理猶治也時避上名以治為理通鑑因唐史成文

以右威

衛大將軍薛仁貴檢校安東都護總兵二萬人以鎮撫

之丁卯上祀南郊告平高麗以李勣為亞獻已已謁太

廟 渭南尉劉延祐弱冠登進士第

渭南縣屬雍州後魏之渭南郡後周

廢為縣冠

政事為畿縣最

唐雍州諸縣萬年長安為赤縣餘縣為畿縣六典曰城內

古玩翻

為京縣城外為畿縣

李勣謂之曰足下春秋甫爾遽擅大名宜稍

自貶抑無為獨出人右也

史言李勣愛人以德

時有敕征遼軍

士逃亡限內不首及首而更逃者身斬

首式
天翻

妻子籍沒

太子上表

上時
字翻

以為如此之比其數至多或遇病不及

隊伍怖懼而逃

怖普
布翻

或因樵採為賊所掠或渡海漂沒

或深入賊庭為所傷殺軍法嚴重同隊恐并獲罪即舉

以為逃軍旅之中不暇勘當

當丁
浪翻

直據隊司通狀關移

所屬妻子沒官情實可哀書曰與其殺不辜寧失不經

書大禹謨之言注云經常也寧

伏願逃亡之家免其配

失不常之罪不枉不辜之善

沒從之 甲戌司戎太常伯姜恪兼檢校左相司平太

常伯閭立本守右相 是歲京師及山東江淮旱飢

二年春二月辛酉以張文瓘為東臺侍郎以右肅機檢

校太子中護譙人李敬玄為西臺侍郎

譙縣帶
毫州

並同東

西臺三品先是同三品不入銜至是始入銜

先悉薦翻
考異曰

陳紀在乾封二年文瓘始同三
品銜今從舊本紀陳字必誤

癸亥以雍州長史盧

承慶為司刑太常伯

雍於
用翻

承慶常考內外官有一官督

運遭風失米承慶考之曰監運損糧考中下

監古
銜翻

其人

容色自若無言而退承慶重其雅量改注曰非力所及

考中中既無喜容亦無愧詞又改曰寵辱不驚考中上

三月丙戌東臺侍郎郝處俊同東西臺三品 丁亥

詔定明堂制度其基八觚

觚攻乎翻方稜也

其宇上圓覆以清

陽玉葉

覆數又翻時按淮南子清陽為天故覆明堂以清陽之色玉葉非必以玉為之蓋亦瓦之類謂

之葉者尚朴之意猶茨之以茅也曰玉者示寶貴之耳

其門牆階級窓櫺楣柱柳

棗枅拱

說文曰在牆曰牖在屋曰窓釋名窓聰也於內見外之聰明也櫺盧經翻楯間子窓隅也楣屋

枅說文曰楣屋榜毛晃曰棟下橫木曰楣柱楹也柳魚剛翻斜楯謂之飛柳棗子結翻梁上檣櫺枅堅美翻屋

榼所以承枅拱居疎翻大杙又拱科

皆法天地陰陽律歷之數詔下之後

衆議猶未決又會飢饉竟不果立 夏四月己酉朔上

幸九成宮 高麗之民多離叛者敕徙高麗戶三萬八

千二百於江淮之南及山南京西諸州空曠之地留其

貧弱者使守安東 六月戊申朔日有食之 秋八月

丁未朔詔以十月辛涼州時隴右虛耗議者多以為未

宜遊幸上聞之辛亥御延福殿

九成宮中
有延福殿

召五品已上

謂曰自古帝王莫不巡守

守手
又翻

故朕欲巡視遠俗若果

為不可何不面陳而退有後言何也自宰相以下莫敢

對詳刑大夫來公敏獨進曰

詳刑大夫即大理少卿

巡守雖帝王

常事然高麗新平餘寇尚多西邊經略亦未息兵隴右

戶口彫弊鑾輿所至供億百端誠為未易

易以外間實

外間實

有竊議但明制已行故羣臣不敢陳論耳上善其言為

之罷西巡

為丁偽胡

未幾擢公敏為黃門侍郎

幾居豈翻

甲戌改

瀚海都護府為安北都護府

瀚海府見龍朔三年

九月丁丑朔詔

徙吐谷渾部落就涼州南山議者恐吐蕃侵暴使不能

自存欲先發兵擊吐蕃右相問立本以為去歲飢歉未

可興師議久不決竟不果徙庚寅大風海溢漂永嘉安

固六千餘家

漢順帝永建四年分章安東甌鄉立永寧縣江左改曰永豐隋平陳改曰永嘉縣又

孫吳立羅陽縣孫皓改曰安陽縣晉平吳改曰安固縣並屬永嘉郡唐初屬東嘉州貞觀元年州廢二縣屬括

州冬十月丁巳車駕還京師十一月丁亥徙豫王旭

輪為冀王更名輪

更工衡翻

司空太子太師英貞武公李

勣寢疾

英者封國名貞武其謚也

上悉召其子弟在外者使歸侍疾

上及太子所賜藥勣則餌之子弟為之迎醫

為子偽翻下親為非

為久為同皆不聽進曰吾本山東田夫遭值聖明致位三公

年將八十

考異曰舊傳云勣年八十六臨終語弟弼云年將八十新傳改云年踰八十按新舊傳

實錄皆云大業末翟讓聚衆為盜勣年十七往從之自大業十三年至此五十二年若據舊傳年八十六則年十七當在開皇時不得云大業末也總章元年賈言忠對高宗云勣年登八十去此止一年若據新傳勣滅高麗時年已八十五亦不得云年登八十今從實錄 豈非命邪脩短有期豈能復

就醫工求活

復扶又翻下不復同

一旦忽謂其弟司衛少卿弼曰

吾今日少愈可共置酒為樂

日少詩詔翻樂音洛

於是子孫悉集

酒闌謂弼曰吾自度必不起

度徒洛翻

故欲與汝曹為別耳

汝曹勿悲泣聽我約束我見房杜平生勤苦僅能立門

戶遭不肖子蕩覆無餘

謂房遺愛杜荷也

吾有此子孫今悉付

汝葬畢汝即遷入我堂撫養孤幼謹察視之其有志氣

不倫交遊非類者皆先撾殺然後以聞

以勛之智蓋知敬業必為變也

豈知敬業乃忠於唐室邪撾則爪翻

自是不復更言十二月戊申薨上聞

之悲泣葬日幸未央宮登樓望轎車慟哭起冢象陰山

鐵山烏德韃山

轎音而轎車喪車也所以載極烏德韃山在回紇牙帳西南

以旌其

破突厥薛延陀之功

勛破突厥見一百九十三卷貞觀四年破薛延陀見一百九十八卷

二十年厥九勿翻

勛為將有謀善斷

將即亮翻斷丁亂翻

與人議事從善

如流戰勝則歸功於下所得金帛悉散之將士故人思
致死所向克捷臨事選將必訾相其狀貌豐厚者遣之
訾即移翻訾之為
言量也相息亮翻或問其故勣曰薄命之人不足與成

功名閨門雍睦而嚴其姊嘗病勣已為僕射親為之煮

粥風回熱其須髻

藝如
悅翻

姊曰僕妾幸多何自苦如是勣

曰非為無人使令也顧姊老勣亦老雖欲久為姊煮粥

其可得乎勣常謂人我年十二三時為亡賴賊

亡讀
日無

逢

人則殺十四五為難當賊有所不愜則殺人

愜苦
叶翻

十七

八為佳賊臨陳乃殺之

陳讀曰陣

二十為大將用兵以救人

死勛長子震早卒

長知兩翻卒子恤翻

震子敬業襲爵

劉考異曰

云高宗時羣蠻為寇討之輒不利乃除徐敬業為刺史發卒郊迎敬業盡放令還單騎至府賊聞新刺史至皆繕理以待敬業一無所問處置他事已畢方曰賊安在曰在南岸乃從二佐吏而往觀之莫不駭愕賊初持兵覘望及見船中無人及兵仗更閉營歲隱敬業直入其營內告云國家知汝等為貪吏所害非有他惡可悉歸田後去者為賊唯召其帥責以不早降之意各杖數十而遣之境内肅然其祖英公壯其膽略曰吾不辦此然破我家必此兒也按敬業武后時舉兵旋踵敗亡若有智勇何至如此今不取

時承平既久

選人益多

選須絹翻下同

是歲司列少常伯裴行儉始與員外

郎張仁禕

唐制尚書二十四司各司有郎中二員從五品上員外郎二員從六品上祿吁韋翻

設

長名姓歷牒引銓注之法又定州縣升降官資高下其

後遂為永制無能革之者大畧唐之選法取人以身言

書判

唐擇人之法有四一曰身取其體貌豐偉二曰言取其言辭辯正三曰書取其楷法適美四月判取

其文理優長

計資量勞而擬官始集而試觀其書判已試而

銓察其身言已銓而注詢其便利已注而唱集衆告之

然後類以為甲先簡僕射乃上門下給事中讀侍郎省

侍中審之不當者駁下

上時掌翻省悉景翻當丁浪翻駁比角翻

既審然後

上聞主者受旨奉行各給以符謂之告身兵部武選亦

然

武選兵部主之

課試之法以騎射及翹關負米

翹關長丈七尺徑二寸半

凡十舉後手持關距出處無過一尺負米者
負米五斛行二十步皆為中第騎奇寄翻

人有格限

未至而能試文三篇謂之宏詞試判三條謂之拔萃入

等者得不限而授其黔中嶺南閩中州縣官不由吏部

委都督選擇土人補授

黔音琴閩着
巾翻選如字

凡居官以年為考

六品以下四考為滿

咸亨元年

是年三月
始改元

春正月丁丑右相劉仁軌請致仕

許之 三月甲戌朔以旱赦天下改元 丁丑改蓬萊

宮為含元宮

即含元殿
以為宮名

壬辰太子少師許敬宗請致

仕許之 敕突厥酋長子弟事東宮

酋慈由翻
長知兩翻

西臺舍

人徐齊聃上疏

聃他酣翻
上時掌翻

以為皇太子當引文學端良

之士寘左右豈可使酋長子弟入侍軒闥又奏齊獻公

即陛下外祖雖子孫有犯豈應上延祖禰今周忠孝公

廟甚修而齊獻公廟毀廢

齊獻公文德皇后父長孫晟
也周忠孝公皇后父武士彠

也禰乃
禮翻

不審陛下何以垂示海內彰孝理之風

孝理即
孝治避

上名改
治為理

上皆從之齊聘充容之弟也

齊聘姊入宮為
充容列於九嬪

夏四月吐蕃陷西域十八州又與于闐襲龜茲撥換城

陷之罷龜茲于闐焉耆踈勒四鎮

闐徙賢翻龜
茲音丘慈

辛亥以

右衛大將軍薛仁貴為邏娑道行軍大總管

邏娑川吐
蕃贊普牙

在焉有
邏些城

左衛員外大將軍阿史那道真左衛將軍郭待

封副之以討吐蕃且援送吐谷渾還故地

庚午上幸

九成宮高麗酋長劔牟岑反立高藏外孫安舜為主

以左監門大將軍高侃為東州道行軍總管

高麗在東
時已列置

州府故曰東州
道監古街翻

發兵討之安舜殺劒牟岑奔新羅 六

月壬寅朔日有食之 秋八月丁巳車駕還京師 郭

待封先與薛仁貴並列及征吐蕃耻居其下仁貴所言

待封多違之軍至大非川

自鄯州鄯城縣西行三百餘里至大非川

將趣烏

海

烏海在漢哭山西隋屬河源郡界杜佑曰吐蕃國出鄯城五百里過烏海暮春之月山有積雪地有冷瘴

令人氣急不甚為害趣七喻翻

仁貴曰烏海險遠軍行甚難輜重自隨

難以趨利

重直用翻下同趣七喻翻

宜留二萬人為兩柵於大非嶺

上輜重悉置柵內吾屬帥輕銳倍道兼行掩其未備破

之必矣仁貴帥所部前行擊吐蕃於河口大破之

河口積石

河口也帥讀曰率

斬獲甚衆進屯烏海以俟待封待封不用仁

貴策將輜重徐進未至烏海遇吐蕃二十餘萬待封軍

大敗還走悉弃輜重仁貴退屯大非川吐蕃相論欽陵

將兵四十餘萬就擊之

將即亮翻下同杜佑曰祿東贊論欽陵本姓薛氏世為大論後

遂以官為氏大論吐蕃統理國事之官也相息亮翻

唐兵大敗死傷略盡仁貴待

封與阿史那道真並脫身免與欽陵約和而還

還音旋又如字

敕大司憲樂彥璋即軍按其敗狀械送京師三人皆免

死除名欽陵祿東贊之子也

祿東贊事始一百九十
五卷太宗貞觀十四年

與

弟贊婆悉多子勃倫皆有才畧祿東贊卒

卒子恤翻
下氏卒同

欽

陵代之三弟將兵居外鄰國畏之 關中旱饑九月丁

丑詔以明年正月幸東都 甲申皇后母魯國忠烈夫

人楊氏卒敕文武九品以上及外命婦並詣宅弔哭

閏月癸卯皇后以久旱請避位不許 壬子加贈司徒

周忠孝公武士彠為太尉太原王夫人為王妃 甲寅

以左相姜恪為涼州道行軍大總管以禦吐蕃 冬十

月乙未太子右中護同東西臺三品趙仁本為左肅機

罷政事

龍朔二年改左右
庶子為左右中護

庚寅詔官名皆復舊

改官
名見

上卷龍朔二年按新書
帝紀係十二月庚寅

資治通鑑卷二百一

欽定四庫全書薈要卷七千一百八十八

史部

資治通鑑卷二百二

宋司馬光撰

胡三省音註

唐紀十八

起重光協洽盡重光大荒落凡十一年

高宗天皇大聖大弘孝皇帝中之下

咸亨二年春正月甲子上幸東都

考異曰舊本紀及太子弘傳正月乙巳

辛東都留太子弘於京師監國明年十月己未又云皇太子監國新本紀唐歷統紀皆連歲言太子監國按離長安時已留太子監國及自東都將遷豈得又令監國按實錄此月無監國事唯明年十月有之今從之

夏四月甲申以西突厥阿史那都支為左驍衛大將軍

兼匭延都督

顯慶二年平賀魯以處木昆部為匭延都督府厥九勿翻驍堅克翻匭蒲北翻以

安集五咄陸之衆

咄當沒翻

初武元慶等既死

事見上卷乾封元年

皇后奏以其姊子賀蘭敏之為士驍之嗣

驍一號翻

襲爵周

公改姓武氏累遷弘文館學士左散騎常侍

太宗在藩於秦府置

文學館學士其後弘文崇文二館

魏國夫人之死也

亦見

皆有學士散悉 直翻騎奇寄翻

乾封元年 上見敏之悲泣曰曷吾出視朝猶無恙退朝已不

救何倉猝如此

朝直遙翻

敏之號哭不對后聞之曰此兒疑

我由是惡之敏之貌美蒸於太原王妃及居妃喪釋衰

經奏妓

號戶高翻惡烏路翻
衰倉回翻妓渠綺翻

司衛少卿楊思儉女有殊

色上及后自選以為太子妃昏有日矣敏之逼而淫之
后於是表言敏之前後臯惡請加竄逐六月丙子敕流

雷州復其本姓至韶州以馬韁絞死

雷州漢徐聞縣地
梁置南合州隋曰

合州仍置海康縣大業廢州唐武德五年復置貞觀八

年改曰雷州韶州漢南野縣地吳孫皓甘露元年分立

始興郡唐武德初置番州貞觀元年改韶州舊志雷州

至京師六千五百四十七里至東都五千八百三十六

里韶州至京師四千九百三十二里至

東都四千一百四十二里疆居良翻

朝士坐與敏之

交遊流嶺南者甚衆

朝直遙翻

秋七月乙未朔高侃破高

麗餘衆於安市城

麗力知翻

九月丙申潞州長史徐王元

禮薨冬十一月甲午朔日有食之車駕自東都幸

許汝十二月癸酉校獵於葉縣

舊志東都至許州四百里至汝州百八十里葉

縣舊屬南陽郡後并省後齊置襄州後周廢州置南襄城郡隋廢郡為葉縣屬許州葉式涉翻

丙戌還

東都

三年春正月辛丑以太子左衛副率梁積壽為姚州道

行軍總管

太子十率府各有副率位四品率所律翻

將兵討叛蠻

將即亮翻

庚

成昆明蠻十四姓二萬三千戶內附置殷敦總三州

蠻

西有昆明蠻一曰昆彌蠻以西洱河為境即葉榆河也去長安九千里殷州居戎州西北總州居西南敦州居

南遠不過五百餘里近三百里

二月庚午徙吐谷渾於鄯州浩疊水

南漢書地理志浩疊水東至允吾入湟允吾唐為鄯州龍文縣水經注浩疊河出允吾西北塞外東逕浩疊

縣故城南又東流注于湟水俗呼為閭門河吐從噉入聲谷音浴鄯時戰翻浩音詰疊音門

吐谷渾

畏吐蕃之彊不安其居又鄯州地狹尋徙靈州以其部

落置安樂州

時以靈州鳴沙縣地置安樂州樂音洛

以可汗諾曷鉢為刺

史

可從刊入聲汗音寒

吐谷渾故地皆入於吐蕃已卯侍中永

安郡公姜恪薨 夏四月庚午上幸合璧宮 吐蕃遣

其大臣仲琮入貢上問以吐蕃風俗對曰吐蕃地薄氣

寒風俗朴魯然法令嚴整上下一心議事常自下而起

因人所利而行之斯所以能持久也上詰以吞滅吐谷

渾見上卷龍朔三年詰去吉翻敗薛仁貴見上卷咸亨元年敗補邁翻寇逼涼州

事吐蕃既滅吐谷渾又破對曰臣受命貢獻而已軍旅

之事非所聞也上厚賜而遣之癸未遣都水使者黃仁

素使于吐蕃使疏秋八月壬午特進高陽郡公許敬

宗卒

卒子恤翻

太常博士袁思古議敬宗弃長子於荒徼

徼吉

弔翻

嫁少女於夷貊

少詩沼翻
貊莫白翻

案謚法名與實爽曰繆請

謚為繆

繆靡幼翻

敬宗孫太子舍人彥伯訟思古與許氏有

怨請改謚太常博士王福時議

時音止

以為得失一朝榮

辱千載

太常博士擬謚皆跡其躬行為之褒貶
大行大名之小行小名之載于亥翻

若嫌隙

有實當據法推繩如其不然義不可奪戶部尚書戴至

德謂福時曰高陽公任遇如是何以謚之為繆對曰昔

晉司空何曾既忠且孝徒以日食萬錢秦秀謚之為繆

見八十卷晉武帝咸寧四年

許敬宗忠孝不逮於曾而飲食男女之

累過之

累力瑞翻

謚之曰繆無負許氏矣詔集五品已上更

議禮部尚書陽思敬議按謚法既過能改曰恭請謚曰

恭詔從之敬宗嘗奏流其子昂于嶺南又以女嫁蠻酋

馮盎之子多納其貨

苗慈由翻

故思古議及之福時勃之父

也

王勃見二百卷龍朔元年

九月癸卯徙沛王賢為雍王

雍於用翻

冬十月己未詔太子監國

監古街翻

壬戌車駕發東都

十一月戊子朔日有食之

甲辰車駕至京師 十二

月高侃與高麗餘衆戰于白水山破之新羅遣兵救高麗侃擊破之 癸卯以左庶子劉仁軌同中書門下三

品 太子罕接宮臣典膳丞全椒邢文偉輒減所供膳

東宮典膳局郎正六品上丞正八品上掌進膳嘗食全椒縣時屬滁州

并上書諫太子太

子復書謝以多疾及入侍少暇嘉納其意

上時掌

頃之右

史缺上曰邢文偉事吾子能撤膳進諫此直士也擢為

右史

起居舍人從六品上屬中書省掌修記言之史錄天子之制詰德音如記言之制以紀時政之損益

季終則授之於國史龍朔改曰右史

太子因宴集命宮臣擲倒

唐散樂有舞盤伎舞

輪伎長蹻伎跳鈴伎擲倒伎跳
劍伎吞劍伎皆梁之遺伎也

次至左奉裕率王及善

隋置太子內率府擬上臺千牛衛掌東宮千牛備
身侍奉之事龍朔改為左右奉裕率率所律翻

及善

曰擲倒自有伶官

伶盧經翻

臣若奉令恐非所以羽翼殿下

也太子謝之上聞之賜及善縑百匹尋遷左千牛衛將

軍

千牛刀即人主防身刀也取莊子庖丁言解千牛而
芒刃不減之義後魏有千牛備身掌宿衛侍從隋煬

帝置備身府

唐改千牛府

四年春正月丙辰絳州刺史鄭惠王元懿薨 三月丙

申詔劉仁軌等改修國史以許敬宗等所記多不實故

也 夏四月丙子車駕幸九成宮 閏五月燕山道總

管右領軍大將軍李謹行大破高麗叛者於瓠蘆河之

西 胡嶠曰黑車子之北有牛蹄突厥人身牛足其地有寒水曰瓠蘆河夏秋水厚二尺秋冬水微底常燒器

銷冰乃得飲余按唐書劉仁軌傳此瓠蘆河當在高麗南界新羅七重城之北燕因肩翻下同 俘獲數

千人餘衆皆犇新羅時謹行妻劉氏留伐奴城高麗引

靺鞨攻之劉氏擐甲帥衆守城久之虜退 靺鞨音末曷 擐音宦 帥讀

曰 上嘉其功封燕國夫人謹行靺鞨人突地稽之子也

突地稽見一百八十 武力絕人為衆番所憚 秋七月

婺州大水溺死者五千人

婺亡遇翻
溺奴狄翻

八月辛丑上以

瘡疾令太子於延福殿受諸司啓事

瘡逆約翻

冬十月壬

午中書令閻立本薨

乙巳車駕還京師

十二月丙

午弓月疎勒二王來降

降戶江翻下同

西突厥興昔亡可汗之

世諸部離散弓月及阿悉吉皆叛

阿悉吉即阿悉結弩失畢五俟斤之一也

蘇定方之西討也

見二百卷
顯慶二年

擒阿悉吉以歸弓月南結

吐蕃北招咽麴

咽麴亦鐵勒種居得歲海咽於句翻麴臘見翻

共攻疎勒降之

上遣鴻臚卿蕭嗣業發兵討之嗣業兵未至弓月懼與

踈勒皆入朝上赦其辜遣歸國

臚陵如翻
朝直遙翻

上元元年

是年八月
方改元

春正月壬午以左庶子同中書門

下三品劉仁軌為雞林道大總管

帝以新羅國
為雞林州

衛尉卿

李弼右領軍大將軍李謹行副之發兵討新羅時新羅

王法敏既納高麗叛衆又據百濟故地使人守之上大

怒詔削法敏官爵其弟右驍衛負外大將軍臨海郡公

仁問在京師

號堅
亮翻

立以為新羅王使歸國三月辛亥

朔日有食之

賀蘭敏之既得辜皇后奏召武元爽之

子承嗣於嶺南

乾封元年元與流振州

襲爵周公拜尚衣奉御

尚衣

奉御屬殿中省掌衣服
詳其制度辯其名數

夏四月辛卯遷宗正卿

秋八

月壬辰追尊宣簡公為宣皇帝妣張氏為宣莊皇后懿

王為光皇帝妣賈氏為光懿皇后

後魏金門鎮將熙太祖
祖虎之祖也謚宣簡

公魏懷主天賜太祖
虎之父也謚懿王

太武皇帝為神堯皇帝太穆皇后

為太穆神皇后文皇帝為太宗文武聖皇帝文德皇后

為文德聖皇后皇帝稱天皇皇后稱天后以避先帝先

后之稱

實欲自尊而以避先帝先后之稱
為言武后之意也之稱尺證翻

改元赦天下

戊戌敕文武官三品以上服紫金玉帶四品服深緋

金帶五品服淺緋金帶六品服深綠七品服淺綠並銀

帶八品服深青九品服淺青並鍮石帶

鍮石似金而非金
鍮託戾翻

庶人服黃銅鐵帶自非庶人不聽服黃

非庶人謂工商雜戶

九

月癸丑詔追復長孫晟長孫无忌官爵以无忌曾孫翼

襲爵趙公聽无忌喪歸陪葬昭陵

无忌削官爵而死見二百卷顯慶四年

甲寅上御翔鸞閣

據舊書郝處俊傳翔鸞閣在含元殿東唐六典含元殿翼以二閣左

曰翔鸞右曰棲鳳二閣之下為東西朝堂

觀大酺

酺薄胡翻

分音樂為東西朋使

雍王賢主東朋周王顯主西朋角勝為樂郝處俊諫曰

二王春秋尚少志趣未定當推挈讓棗

梁元帝遺武陵王書有是言樂

音洛少詩沼
翻推吐雷翻

相親如一今分二朋遞相誇競俳優小人

言辭無度恐其交爭勝負譏誚失禮非所以崇禮義勸

敦睦也上瞿然曰

諫才笑翻瞿九
遇翻驚視貌

卿遠識非衆人所及

也遽止之是日衛尉卿李弼暴卒于宴所為之廢酺一

日為于
偽翻

冬十一月丙午朔車駕發京師己酉校獵華

山之曲武原

華山在華州華陰縣南曲
武原在華山下華戶化翻

戊辰至東都

箕州錄事參軍張君澈等誣告刺史蔣王憚及其子汝

南郡王煒謀反

憚於粉翻
煒於鬼翻

敕通事舍人薛思貞馳傳往

按之

傳張
總翻

十二月癸未憚惶懼自縊死

縊於
計翻

上知其非

罪深痛惜之斬君澈等四人 戊子于闐王伏闕雄來

朝

闐徒賢翻闐視遮
翻朝直遙翻下同

辛卯波斯王卑路斯來朝 壬

寅天后上表以為國家聖緒出自玄元皇帝

老子姓李
名耳唐祖

之乾封元年尊為玄元
皇帝上時掌翻下同

請令王公以下皆習老子每歲

明經準孝經論語策試又請自今父在為母服齊衰三

年

古禮父在為母服替為于偽翻齊音咨衰倉回翻

又京官八品以上宜量加

俸祿

京官在京官也量音良

及其餘便宜合十二條詔書褒美皆

行之

是歲有劉曉者上疏論選

選須絹翻下同考異曰會要作劉曉今從

統紀

以為今選曹以檢勘為公道

檢勘者謂考其功過察其假名承偽隱冒升降

書判為得人殊不知考其德行才能况書判借人者衆

矣又禮部取士專用文章為甲乙故天下之士皆捨德

行而趨文藝有朝登甲科而夕陷刑辟者雖日誦萬言

何關理體

理體即治道行下孟翻趨七喻翻下同辟毗亦翻

文成七步未足化

人況盡心卉木之間極筆烟霞之際以斯成俗豈非大
謬夫人之慕名如水趨下上有所好下必甚焉陛下若
取士以德行為先文藝為末則多士雷奔四方風動矣
趨七喻翻好呼
到翻下憐好翻

二年春正月丙寅以于闐國為毗沙都督府分其境內
為十州以于闐王尉遲伏闍雄為毗沙都督

闐徒賢翻
又徒見翻

尉紆勿翻
闐視遮翻

辛未吐蕃遣其大臣論吐渾彌來請和且

請與吐谷渾復修鄰好

吐從暇入聲下同
復扶又翻谷音浴

上不許二

月劉仁軌大破新羅之衆於七重城

重音直龍翻

又使靺鞨

浮海略新羅之南境斬獲甚衆仁軌引兵還

靺音未鞨音曷還從

宣翻又音如字

詔以李謹行為安東鎮撫大使

使疏吏翻下同

屯新羅

之買肖城以經略之三戰皆捷新羅乃遣使入貢且謝

罪上赦之復新羅王法敏官爵金仁問中道而還

使疏吏翻

還音旋又如字

改封臨海郡公

三月丁巳天后祀先蠶於邨

山之陽

漢儀三月桑始生皇后親桑於苑中蠶室養蠶千薄以上祠以中牢羊豕續漢志三月皇后帥

公卿諸侯夫人蠶祠先蠶禮以少牢注云今蠶神曰苑疏婦人寓氏公主唐制皇后歲祀一季春吉已享先蠶

遂以親桑蜀注曰
通典先蠶天蠶也

百官及朝集使皆陪位

朝直遙翻下同

上

苦風眩甚議使天后攝知國政中書侍郎同三品郝處

俊曰天子理外后理內天之道也

記昏義曰天子聽男教后聽女順天子理

陽道后治陰德天子聽外治后聽內職教順成俗外內和順國家理治此之謂盛德

昔魏文著令

雖有幼主不許皇后臨朝所以杜禍亂之萌也

事見六十九卷

魏文帝黃初三年

陛下奈何以高祖太宗之天下不傳之子孫

而委之天后乎中書侍郎昌樂李義琰曰處俊之言至

忠陛下宜聽之

樂音洛

上乃止

天后多引文學之士著

作郎元萬頃

唐著作郎從五品上掌修撰碑誌祝文祭文屬祕書省

左史劉禕之

等

龍朔政起居郎為左史

使之撰列女傳臣軌百僚新戒樂書凡

千餘卷

撰士免

朝廷奏議及百司表疏時密令參決以分

宰相之權

疏所去翻

時人謂之北門學士

不從南衙於北門出入故云然

禕

之子翼之子也

劉子翼仕隋以學行著

夏四月庚辰以司農少

卿韋弘機為司農卿弘機兼知東都營田受詔完葺宮

苑有宦者於苑中犯法弘機杖之然後奏聞上以為能

賜絹數十匹曰更有犯者卿即杖之不必奏也 初左

千牛將軍長安趙瓌尚高祖女常樂公主生女為周王

顯妃公主頗為上所厚天后惡之

樂音洛惡鳥路翻

辛巳妃坐

廢幽閉於內侍省食料給生者防人候其突烟而已數

日烟不出開視死腐矣瓌自定州刺史貶枯州刺史令

公主隨之官仍絕其朝謁

朝直遙翻

太子弘仁孝謙謹上

甚愛之禮接士大夫中外屬心

屬之欲翻

天后方逞其志太

子奏請數迂旨

迂逆也數所角翻迂五故翻

由是失愛於天后義陽

宣城二公主蕭淑妃之女也坐母得罪幽于掖庭年踰

三十不嫁太子見之驚惻遽奏請出降上許之天后怒

即日以公主配番上翊衛權毅王遂古

親勲翊三衛皆番上上時掌翻

己亥太子薨于合璧宮時人以為天后酖之也

考異曰新書

本紀云己亥天后殺皇太子新傳云后將逞志弘奏請數拂肯從幸合璧宮遇酖薨唐歷云弘仁孝英果深為上所鍾愛自立為太子敬禮大臣鴻儒之士未嘗居有過之地以請嫁二公主失愛於天后不以壽終實錄舊傳皆不言弘遇酖按李泌對肅宗云高宗有八子睿宗最幼天后所生四子自為行第故睿宗第四長曰孝敬皇帝為太子監國仁明孝悌天后方圖臨朝乃酖殺孝敬立雍王賢為太子新書蓋據此及唐歷也按弘之死其事不明今但云時人以

為天后酖之也疑以傳疑

壬寅車駕還洛陽宮五月戊

申下詔朕方欲禪位皇太子而疾遽不起宜申往命加

以尊名可謚為孝敬皇帝

帝子謚皇帝始此謚神至翻

六月戊寅立

雍王賢為皇太子赦天下

雍於用翻

天后惡慈州刺史杞

王上金

宋白曰慈州春秋唐武德元年為西汾州五年改南汾州

貞觀八年改南汾州為慈州以州近慈烏戌故名孫愐曰因慈氏縣名之上金帝後宮劉氏所生慈烏路翻

有司希旨奏其臯秋七月上金坐解官澧州安置 八

月庚寅葬孝敬皇帝于恭陵

恭陵在洛州緱氏縣懷來山改名太平山

戊

戌以戴至德為右僕射庚子以劉仁軌為左僕射並同

中書門下三品如故張文瓘為侍中郝處俊為中書令

李敬玄為吏部尚書兼左庶子同中書門下三品如故

劉仁軌戴至德更日受牒訴

尚長羊翻
更工衡翻

仁軌常以美言

許之至德必據理難詰

難乃旦翻
詰去吉翻

未嘗與奪實有冤結

者密為奏辯

為于偽翻

由是時譽皆歸仁軌或問其故至德

曰威福者人主之柄人臣安得盜取之上聞深重之有

老嫗欲詣仁軌陳牒誤詣至德至德覽之未終嫗曰本

謂是解事僕射乃不解事僕射邪

嫗威遇翻
解戶買翻

歸我牒至

德笑而授之時人稱其長者

長知兩翻

文瓘時兼大理卿因

聞改官皆慟哭文瓘性嚴正諸司奏議多所糾駁上甚

委之

駁北角翻

儀鳳元年

是年十一月方改元

春正月壬戌徙冀王輪為相王

納州獠反

唐制儀鳳二年開山洞置納州屬廬州都督府獠魯皓翻

敕黔州都督發

兵討之

黔音琴

二月甲戌徙安東都護府於遼東故城

考異曰寶錄咸亨元年楊昉高侃討安舜始拔安東都護府自平壤城移於遼東州儀鳳元年二月甲戌以高麗餘衆反叛移安東都護府於遼東城蓋咸亨元年言移府者終言之也儀鳳元年言高麗反者本其所以

移也會要無咸亨元年移府事
此年云移於遼東故城今從之
先是有華人任東官者

悉罷之

先悉
薦翻

徙熊津都督府於建安故城其百濟戶口

先徙於徐兗等州者皆置於建安天后勸上封中嶽癸

未詔以今冬有事于嵩山

中嶽嵩山在
河南陽城縣

丁亥上幸汝

州之溫湯

汝州梁縣西南五十里有溫湯可
以熟米又有黃女湯帝置溫泉頓

三月癸

卯黃門侍郎來恒中書侍郎薛元超並同中書門下三

品恒濟之兄元超收之子也

來濟盡忠而又死於封疆
薛收事太宗於藩邸恒戶

登
翻

甲辰上還東都

還從宣
又音如字

閏月吐蕃寇鄯廓河

芳等州

宋白曰疊州常芬縣舊為吐谷渾所據周武成三年遂諸羌始有其地乃於三交築城置甘松

防又為三川縣以隸常香郡建德三年改三川為常芬

縣仍立芳州以色隸馬廐地多芳草以名州隋廢州唐

復置吐從駁入

敕左監門衛中郎將令狐智通發興鳳

聲部時戰翻

等州兵以禦之

興州漢武都沮縣地後魏改為略陽縣江左為武興藩王國後魏以為武興郡

置興州改略陽縣為順政縣鳳州漢故道河池縣地晉

為仇池氏所據後魏置梁泉縣西魏廢帝置鳳州鄯時

戰翻監古街

已卯詔以吐蕃犯塞停封中嶽乙酉以洛

翻將即亮翻

州牧周王顯為洮州道行軍元帥將工部尚書劉審禮

等十二總管并州大都督相王輪為涼州道行軍元帥

將左衛大將軍契必何力等以討吐蕃

洮土刀翻帥所類翻將即亮翻

并卑經翻契欺訖翻必毗必翻

二王皆不行

庚寅車駕西還

甲寅

中書侍郎李義琰同中書門下三品

戊午車駕至九

成宮

六月癸亥黃門侍郎晉陵高智周同中書門下

三品

秋八月乙未吐蕃寇疊州

壬寅敕桂廣交黔

等都督府比來注擬土人簡擇未精自今每四年遣五

品已上清正官充使仍令御史同往注擬時人謂之南

選

黔音琴比毗至翻使疏吏翻令力丁翻選須絹翻

九月壬申大理奏左威

衛大將軍權善才左監門中郎將范懷義誤斫昭陵柏

臯當除名

監古街翻
將卽亮翻

上特命殺之大理丞太原狄仁傑

奏二人臯不當死

太原漢晉陽縣隋改為太原縣而以
後齊所置龍山縣為晉陽縣並帶并

州上曰善才等斫陵柏我不殺則為不孝仁傑固執不

已上作色令出仁傑曰犯言直諫自古以為難臣以為

遇桀紂則難遇堯舜則易

易以
鼓翻

今法不至死而陛下特

殺之是法不信於人也人何所措其手足且張釋之有

言設有盜長陵一抔土陛下何以處之

釋之言見十四
卷漢文帝三年

杯薄侯翻
處昌呂翻

今以一株柏殺二將軍後代謂陛下為何如

矣臣不敢奉詔者恐陷陛下於不道且羞見釋之於地

下故也上怒稍解二人除名流嶺南後數日擢仁傑為

侍御史初仁傑為并州法曹同僚鄭崇質當使絕域使疏

吏翻崇質母老且病仁傑曰彼母如此豈可使之有萬里

之憂詣長史蘭仁基請代之行

長知兩翻
蘭良乃翻

仁基素與司

馬李孝廉不叶因相謂曰吾輩豈可不自愧乎遂相與

輯睦冬十月車駕還京師

還從宣翻
又音如字

丁酉祫享太

廟用太學博士史璨議禘後三年而禘禘後二年而禘

歐陽修曰禘禘大祭也禘以昭穆合食於太祖而禘以審諦其尊卑此禘禘之義而為禮者失之至於年數不同祖宗失位議者莫知所從禮曰三年一禘五年一禘傳曰五年再殷祭高宗上元三年十月當禘而有司議其年數史璨等議以為新君喪畢而禘明年而禘自是之後五年而再祭蓋後禘去前禘五年而禘常在禘後三年禘常在禘後二年魯宣公八年禘僖公蓋三年喪畢而禘明年而禘至八年而再禘昭公二十年禘至二十五年又禘此可知也時以其言有經據遂從之唐制國子博士正五品上掌教文武官二品已上國公子孫二品已上曾孫為生者太學博士正六品上掌教文武官五品已上郡縣公子孫從三品曾孫之為生者禘胡夾翻璨倉按

翻禘大計翻

郇王素節蕭淑妃之子也

郇音

警敏好

學天后惡之

好呼到翻
惡烏路翻

自岐州刺史左遷申州刺史

申州

漢平氏鄆縣地晉分置義陽郡南齊置司州後魏改鄆

州後周改申州隋改義州唐復曰申州岐州在京師西

三百十五里至東都一千一百七十里申州至

京師一千七百九十六里東都九百四十三里 乾封初

敕曰素節既有舊疾不須入朝

朝直
遙翻

而素節實無疾自

以久不得入覲乃著忠孝論王府倉曹參軍張柬之因

使潛封其論以進后見之誣以賊賄丙午降封鄆陽王

袁州安置

柬之封論以進欲以感動帝心豈知適所以
速素節之罪乎袁州在京師東南三千五百

八十里至東都二
千一百六十一里

十一月壬申改元赦天下

庚寅

以李敬玄為中書令 十二月戊午以來恒為河南道

大使薛元超為河北道大使尚書左丞鄆陵崔知悌國

子司業鄭祖玄為江南道大使

隋大業三年始置國子司業唐從四品下所職

與祭酒同使疏吏翻鄆謁晚翻又於建翻又音偃

分道巡撫

二年春正月乙亥上耕籍田

初劉仁軌引兵自熊津

還

見上麟德二年

扶餘隆畏新羅之逼不敢留尋亦還朝

朝直遙翻

二月丁巳以工部尚書高藏為遼東州都督封朝鮮王

朝音潮鮮音仙

遣歸遼東安輯高麗餘衆高麗先在諸州者皆

遣與藏俱歸又以司農卿扶餘隆為熊津都督封帶方

王亦遣歸安輯百濟餘衆仍移安東都護府於新城以

統之

去年春移安東都護府於遼東故城今又移於新城統他綜翻

時百濟荒殘命隆

寓居高麗之境藏至遼東謀叛潛與靺鞨通召還徙叩

州而死

麗力知翻還從宣翻又音如字靺鞨音未曷叩渠容翻

散徙其人於河南

隴右諸州貧者留安東城傍高麗舊城沒於新羅餘衆

散入靺鞨及突厥

厥九勿翻

隆亦竟不敢還故地高氏扶餘

氏遂亡三月癸亥朔以郝處俊高智周並為左庶子

李義琰為右庶子

郝呼各翻處昌呂翻唐制東宮左右庶子各二員

夏四月左

庶子張大安同中書門下三品大安公謹之子也

張公謹太

宗朝功臣

詔以河南北旱遣御史中丞崔謚等分道存問

賑給侍御史寧陵劉思立上疏

寧陵縣漢屬陳留郡曹魏至元魏屬譙郡後齊

廢隋開皇六年復置屬宋州賑津忍翻上時掌翻疏所據翻

以為今麥秀蠶老農事

方殷敕使撫巡人皆竦抃忘其家業冀此天恩聚集參

迎妨廢不少

使疏吏翻少詩詔翻

既緣賑給須立簿書本欲安存

更成煩擾望且委州縣賑給待秋務閑出使褒貶疏奏

謚等遂不行

使疏吏翻

五月吐蕃寇扶州之臨河鎮擒鎮

將杜孝昇令齎書說松州都督武居寂使降孝昇固執

不從吐蕃軍還捨孝昇而去孝昇復帥餘衆拒守

吐從暇入

聲將即亮

翻說輸芮翻降戶

詔以孝昇為遊擊將軍

晉官

江翻復扶天翻帥讀曰率

品令游擊將軍第

秋八月徙周王顯為英王更名哲

四品唐從五品下

命劉仁軌鎮洮河軍

鄯州城內有臨洮軍洮土刀翻

冬十二月

更工衡翻

乙卯詔大發兵討吐蕃詔以顯慶新禮多不師古

顯慶

三年行新禮見二百卷

其五禮並依周禮行事自是禮官益無憑

守每有大禮臨時撰定

撰士
免翻

三年春正月辛酉百官及各部酋長朝天于光順門

酋慈由翻長知

劉仁軌鎮洮河每有奏請多為李敬

兩翻朝直遙翻

玄所抑由是怨之仁軌知敬玄非將帥才欲中傷之

仁軌

以私怨奏用敬玄以至敗國殄民矯情以容袁異式挾怨以陷李敬玄得為賢乎將即亮翻帥所類翻中竹仲

翻奏言西邊鎮守非敬玄不可敬玄固辭上曰仁軌須

朕朕亦自往卿安得辭丙子以敬玄代仁軌為洮河道

大總管兼安撫大使仍檢校鄯州都督

使疏吏翻鄯時
戰翻考異曰

實錄云與仁軌相知鎮守而敬玄之敗仁
軌不預新舊傳皆云以代仁軌今從之
又命益州大

都督府長史李孝逸等發劍南山南兵以赴之孝逸神

通之子也

淮安王神通

癸未遣金吾將軍曹懷舜等分往河

南北募猛士不問布衣及仕宦夏四月戊申赦天下

改來年元為通乾五月壬戌上幸九成宮丙寅山中

雨大寒從兵有凍死者

從音才用翻

秋七月李敬玄奏破

吐蕃於龍支

龍支縣屬鄯州漢允吾縣地後漢改為龍支縣後魏改為金城縣又改為龍支積石

山在今縣南

上初即位不忍觀破陳樂命撤之辛酉太常

少卿韋萬石奏久寢不作思成廢缺請自今大宴會復

奏之上從之

陳讀曰陣少詩照翻復扶又翻又如字

九月辛酉車駕還

京師上將發兵討新羅侍中張文瓘卧疾在家自輿

入見

見賢遍翻

諫曰今吐蕃為寇方發兵西討新羅雖云不

順未嘗犯邊若又東征臣恐公私不勝其弊上乃止

音勝

升

癸亥文瓘薨

丙寅李敬玄將兵十八萬與吐蕃將

論欽陵戰於青海之上

將即亮翻下同

兵敗工部尚書右衛大

將軍彭城僖公劉審禮為吐蕃所虜

謚法剛克曰僖又小心畏忌曰僖又

戴記有伐
有還曰僖

時審禮將前軍深入頓于濠所為虜所攻敬

玄懦怯按兵不救聞審禮戰沒狼狽還走頓于承風嶺

杜佑曰承風嶺在廓州廣威縣西南東北去鄯州三百一十三里故吐谷渾界阻泥溝以自固

虜屯兵高岡以壓之左領軍負外將軍黑齒常之夜帥

敢死之士五百人襲擊虜營虜衆潰亂其將跋地設引

兵遁去

帥讀曰率
將即亮翻

敬玄乃收餘衆還鄯州

考異曰朝
野僉載曰中

書令李敬玄為元帥吐蕃至樹敦城聞劉尚書沒蕃著
詳不得狼狽而走遺却麥飯首尾千里地上尺餘言之
太過今審禮諸子自縛詣闕請入吐蕃贖其父敕聽次

不取

子易從詣吐蕃省之比至審禮已病卒

易以鼓翻省悉景翻此必利翻

卒子恤翻

考異曰新本紀審禮死之按舊傳

永隆二年審禮卒于蕃中新紀誤也今終言之

易從晝

夜號哭不絕聲

號戶高翻

吐蕃哀之還其尸易從徒跣負之

以歸上嘉黑齒常之之功擢拜左武衛將軍充河源軍

副使

杜佑曰河源軍在鄯州西一百二十里使疏吏翻下同

李敬玄之西征也監

察御史原武婁師德應猛士詔從軍

時詔募猛士討吐蕃師德應募從軍

監古街翻

及敗敕師德收集散亡軍乃復振

復扶又翻又如字

因命

使于吐蕃吐蕃將論贊婆迎之赤嶺

宋白曰石堡城西三十里有山土石

皆赤北接大山南連小雪山號曰赤嶺去長安三千五百里自鄯州鄯城縣西行二百里至赤嶺將即亮翻

師德宣導上意諭以禍福贊婆甚悅為之數年不犯邊

為于師德遷殿中侍御史充河源軍司馬

考異曰御史堂記充河源

軍使今從舊傳

兼知營田事上以吐蕃為憂悉召侍臣謀之或

欲和親以息民或欲嚴設守備俟公私富實而討之或

欲亟發兵擊之議竟不決賜食而遣之太學生宋城魏

元忠上封事

宋城縣帶宋州舊睢陽縣也隋開皇十八年更名上時掌翻

言禦吐蕃

之策以為理國之要在文與武今言文者則以辭華為

首而不及經綸言武者則以騎射為先而不及方略

奇騎

奇翻是皆何益於理亂哉故陸機著辨亡之論無救河橋

之敗

陸機痛吳之亡著辨亡論述吳之所以興及其所以亡其論甚悉河橋之敗見八十五卷晉惠帝太

安二年養由基射穿七札不濟鄆陵之師

左傳晉楚遇於鄆陵楚大夫養

由基潘黨躡甲而射之徹七札焉以示楚其王曰君有二臣何憂於戰王怒曰大辱國詰朝爾射死藝及戰楚師敗績杜預曰濟益也此已然之明效也古語有之人無常俗政

有理亂兵無彊弱將有巧拙故選將當以智略為本勇

力為末今朝廷用人類取將門子弟及死事之家

將即亮翻

同下彼皆庸人豈足當閫外之任李左車陳湯呂蒙孟觀

皆出貧賤而立殊功

李左車見十卷漢高帝三年陳湯見二十九卷元帝建昭三年呂蒙

見獻帝紀六十五卷至六十八卷孟觀見八十三卷晉惠帝元康九年

未聞其家代為將

也夫賞罰者軍國之切務苟有功不賞有辜不誅雖堯舜不能以致理議者皆云近日征伐虛有賞格而無事實蓋由小才之吏不知大體徒惜勲庸恐虛倉庫不知士不用命所損幾何黔首雖微不可欺罔豈得懸不信之令設虛賞之科而望其立功乎自蘇定方征遼東

見二

百卷龍朔
元年二年

李勣破平壤

見上卷總章元年

賞絕不行勳仍淹滯

不聞斬一臺郎戮一令史以謝勳人

尚書謂曹郎皆謂之臺郎勳轉淹滯

則司勳之責耳司勳令史三十三人

大非川之敗薛仁貴郭待封等不即

重誅

見上卷咸亨元年即就也

鄴使早誅仁貴等則自餘諸將豈敢

失利於後哉臣恐吐蕃之平非旦夕可冀也又出師之

要全資馬力臣請開畜馬之禁使百姓皆得畜馬

畜吁玉翻

若官軍大舉委州縣長吏以官錢增價市之則皆為官

有彼酋人恃馬力以為彊若聽人間市而畜之乃是損

彼之彊為中國之利也先是禁百姓畜馬

長知兩翻畜吁玉翻先悉

薦故元忠言之上善其言召見令直中書省仗內供奉

翻仗內供奉朝會得隋百官入見

冬十月丙午徐州刺史密貞王元曉

薨十一月壬子黃門侍郎同中書門下三品來恒薨

恒戶登翻

十二月詔停來年通乾之號以反語不善故也

通乾反語

為天窮

調露元年

按會要是年六月十三日方改元調露

春正月己酉上幸東都

司農卿韋弘機作宿羽高山上陽等宮

按六典宿羽高山二宮皆在東

都禁苑中

制度壯麗上陽宮臨洛水為長廊亘一里宮成上

徙御之侍御史狄仁傑劾奏弘機導上為奢泰弘機坐

免官

効戶槩翻又戶得翻坐家人犯盜為憲司所劾

異曰舊傳云儀鳳中機免官狄仁傑傳云時司

農卿韋機兼領將作少府造宿羽高山上陽等宮莫不壯麗仁傑奏其太過機竟坐免官統紀云駕幸東都上

遊韋弘機所造宿羽高山等宮乘高臨深有登眺之美乃即敕弘機造高館及成臨幸即上陽宮也今據實錄

營宮在前

左司郎中王本立

隋煬帝大業三年尚書都司始置左右司郎各一人掌都省之

職唐置左右司郎中各掌付十有二司之事以舉正稽違省置符目

恃恩用事朝廷畏之

仁傑奏其奸請付法司上特原之仁傑曰國家雖乏英

才豈少本立輩

少詩
詔翻

陛下何惜罪人以虧王法必欲曲

赦本立請弃臣於無人之境為忠貞將來之戒本立竟

得罪

考異曰御史臺記曰狄仁傑以司農發太原運
會欠米萬餘斛高宗怒曰仁傑偷我米命殺之

吏部侍郎魏玄同曰仁傑健而踈只是句當失所臣委
知不偷請以官爵保明高宗意解仁傑不坐案仁傑傳

未嘗為司
農今不取

由是朝廷肅然

庚戌右僕射太子賓客道

恭公戴至德薨

道古國名左傳之江黃道栢是也顯慶
元年始置太子賓客四員正三品掌侍

從規諫贊相禮儀謚
法尊賢讓善曰恭

二月壬戌吐蕃贊普卒子噶弩

悉弄立生八年矣時噶弩悉弄與其舅麴薩若詣羊同

發兵

羊同西戎國名宋祈載劉元鼎之言曰黃河上流由洪濟橋西南行二千里水益狹春可涉秋夏乃

勝舟其南三百里三山中高而四下曰紫山直大羊同國古所謂崑崙者也虜曰悶摩黎山東距長安五千里河源出其間唐會要曰大羊同國東接吐蕃西接小羊同北直于闐東西千里薩桑割翻

有弟生六

年在論欽陵軍中國人畏欽陵之彊欲立之欽陵不可

與薩若共立器弩悉弄上聞贊普卒命裴行儉乘間圖

之

卒子恤翻
間古覓翻

行儉曰欽陵為政大臣輯睦未可圖也乃

止夏四月辛酉郝處俊為侍中偃師人明崇儼以

符咒幻術為上及天后所重

咒職救翻
幻戶辨翻

官至正諫大夫

五月壬午崇儼為盜所殺求賊竟不得

考異曰御史臺記鄭仁恭本

滎陽人也自監察累遷刑部郎中儀鳳中明崇儼以奇術承恩寵夜遇刺客殺三司丞推鞠妄承引連坐者甚衆高宗怒促有司行刑仁恭奏曰此輩必死之因願假其數日之命高宗曰卿以為枉邪仁恭曰臣識慮淺短非的以為枉恐萬一非實則怨氣生遂緩之旬餘果獲賊矣朝廷稱之今從實錄

贈崇儼侍中

丙戌命太子監國

監古街翻

太子處事明審

處昌呂翻

時人稱

之 戊戌作紫桂宮於澠池之西

紫桂宮在澠池之西五里澠彌充翻

六月辛亥赦天下改元

初西突厥十姓可汗阿史那

都支及其別帥李遮旬與吐蕃連和侵逼安西

帥所類翻甸蒲

北朝議欲發兵討之吏部侍郎裴行儉曰吐蕃為寇審

禮覆没干戈未息豈可復出師西方今波斯王卒其子

泥洹師為質在京師

波斯為大食所滅其王卑路斯入朝授武衛將軍而死其子為質在

京師朝直遙翻復扶又翻

卒子恤翻洹戶官翻質音致

考異曰實錄作泥涅師按舊傳作泥涅師唐歷作泥

從統紀宜遣使者送歸國

使疏

道遇二虜以便宜取之

可不血刃而擒也上從之命行儉冊立波斯王

過工禾

異曰波斯王卑路斯入朝未還請遣使送歸今從實錄唐歷統紀舊傳

仍為安撫大食使

行儉奏肅州刺史王方翼以為已副仍令檢校安西都

護

使疏吏翻
令力丁翻

秋七月己卯朔詔以今年冬至有事于

嵩山

初裴行儉嘗為西州長史

見一百九十九卷永
徽五年長知兩翻

及奉使過西州吏人郊迎行儉悉召其豪傑子弟千餘

人自隨且揚言天時方熟未可涉遠須稍涼乃西上

上時

學翻

阿史那都支覘知之遂不設備

覘丑廉翻
又丑艷翻

行儉徐召

四鎮諸番酋長

四鎮龜茲毗沙焉耆疎勒
四都督府也酋慈由翻

謂曰昔在西

州縱獵甚樂

樂音洛

今欲尋舊賞誰能從吾獵者諸蕃子

弟爭請從行近得萬人行儉陽為畋獵校勒部伍

校古
効翻

數日遂倍道西進去都支部落十餘里先遣都支所親

問其安否外示閒暇似非討襲續使促召相見都支先

與李遮匐約秋中拒漢使

漢家威加四裔故邊外率謂中國人為漢人猶漢時匈奴

謂漢人為秦人也使疏吏翻下同

粹聞軍至計無所出帥其子弟迎謁

遂擒之

帥讀曰率

因傳其契箭悉召諸部酋長

諸酋無符信以箭為契信

西突厥沙鉢咥利失可汗分其國為十部部以一人統之人授一箭號十設亦曰十箭左五咄陸部置五大噉居碎葉東右五弩失畢部置五大俟斤居碎葉西

執送碎葉城簡其精騎輕齎

晝夜進掩遮匐途中獲都支還使與遮匐使者同來行

儉釋遮匐使者使先往諭遮匐以都支已就擒遮匐亦

降

騎奇寄翻 齋則兮翻 匐蒲北翻 降戶江翻

於是囚都支遮匐以歸遣波斯

王自還其國留王方翼於安西使築碎葉城

碎葉城焉耆都督府

治所也 方翼築四面十二門為屈曲隱出伏沒之狀

冬十月單于大都護府突

厥阿史德溫傳奉職二部俱反

阿史德姓也 溫傳其名奉職亦一部酋長之名

單音蟬 厥九勿翻

立阿史那泥熟匐為可汗二十四州酋長皆

叛應之衆數十萬

置二十四州見一百九十九卷永徽元年

遣鴻臚卿單于

大都護府長史蕭嗣業右領軍衛將軍花大智

何承天姓苑有

花姓臘陵如翻單音蟬
長知兩翻副祥吏翻

右千牛衛將軍李景嘉等將兵

討之

將兵即亮翻
又音如字

嗣業等先戰屢捷因不設備會大雪

突厥夜襲其營嗣業狼狽拔營走衆遂大亂為虜所敗

死者不可勝數

厥九勿翻敗補
逆翻勝音升

大智景嘉引步兵且行

且戰得入單于都護府嗣業減死流桂州大智景嘉並

免官突厥寇定州刺史霍王元軌命開門偃旗虜疑有

伏思而宵遁州人李嘉運與虜通謀事洩

洩息
列翻

上令元

軌窮其黨與元軌曰彊寇在境人心不安若多所逮繫

是驅之使叛也乃獨殺嘉運餘無所問因自劾違制上

覽表大喜謂使者曰朕亦悔之向無王失定州矣

劾戶
察翻

天戶得翻
使疏吏翻

自是朝廷有大事上多密敕問之

朝直
遙翻

壬

子遣左金吾衛將軍曹懷舜屯井陘

井陘縣漢晉後魏
皆屬常山郡唐屬

恒州陘
音利

右武衛將軍崔獻屯龍門以備突厥突厥扇誘

奚契丹侵掠營州

誘羊久翻契欺
訖翻又音喫

都督周道務遣戶曹

始平唐休璟將兵擊破之

曹魏置始平縣晉武帝置始
平郡後魏廢郡以縣屬扶風

隋唐屬
雍州

庚申詔以突厥背誕罷封嵩山

背蒲
妹翻

癸亥

吐蕃文成公主遣其大臣論塞調傍來告喪并請和親

上遣郎將宋令文詣吐蕃會贊普之葬

將即亮翻
下管將同

十

一月戊寅朔以太子左庶子同中書門下三品高智周為御史大夫罷知政事 癸未上宴裴行儉謂之曰卿

有文武兼資今授卿二職乃除禮部尚書兼檢校右衛大將軍甲辰以行儉為定襄道行軍大總管將兵十八

萬并西軍檢校豐州都督程務挺東軍幽州都督李文

暕

暕古
限翻

總三十餘萬以討突厥並受行儉節度務挺名

振之子也

程名振為將著功名於貞觀永徽之間

永隆元年

按會要是年八月二十三日改元永隆

春二月癸丑上幸汝州

之溫湯戊午幸嵩山處士三原田遊巖所居

處昌呂翻

己未

幸道士宗城潘師正所居

考異曰舊傳師正趙州贊皇人今從實錄

上及

天后太子皆拜之

史言帝崇信異端

乙丑還東都

三月裴行

儉大破突厥于黑山

黑山為塞外要道在豐州中受降城正北如東八十里亦謂之呼延

谷禽其酋長奉職

絕句

可汗泥熟匐為其下所殺以其首

來降

降戶江翻

初行儉行至朔川

考異曰舊傳作朔州今依實錄及統紀余按唐

朔州治善陽縣漢定襄縣地單于府治金河縣漢雲中郡城也自朔州至單于府三百五十七里以裴行儉軍行次舍考之先至朔州而後至單于府北則舊傳朔州為是謂其下曰用兵之道撫

士貴誠制敵貴詐前日蕭嗣業糧運為突厥所掠士卒

凍餒故敗今突厥必復為此謀

復扶又翻下復為可復同

宜有以詐

之乃詐為糧車三百乘每車伏壯士五人各持陌刀勁

弩

陌刀大刀也一舉刀可殺數人唐六典曰陌刀長刀也步兵所持蓋古之斬馬劍釋名曰弩怒也有怒勢

也其柄曰臂似人臂也鈎弦者曰牙似牙齒也牙外曰郭為牙之規郭也合名之曰機言如機之巧也亦言如

門戶樞機開闔有節也乘繩證翻

以羸兵數百為之援

羸倫為翻

且伏精兵

於險要以待之虜果至羸兵弃車散走虜驅車就水中

解鞍牧馬欲取糧壯士自車中躍出擊之虜驚走復為

伏兵所邀殺獲殆盡自是糧運行者虜莫敢近

近其新翻

軍

至單于府比抵暮下營掘塹已周

掘其月翻塹七艷翻

行儉遽命

移就高岡諸將皆言士卒已安堵不可復動行儉不從

趣使移

趣讀曰促

是夜風雨暴至前所營地水深丈餘

深式禁翻

諸將驚服問其故行儉笑曰自今但從我命不必問其

所由知也奉職既就禽餘黨走保狼山

狼山歌邏祿右廂部落所居也

永徽元年置狼山州屬雲中都督府

戶部尚書崔知悌馳傳詣定襄宣

慰將士且區處餘寇

傳知戀翻處昌呂翻

行儉引軍還夏四月

乙丑上幸紫桂宮戊辰黃門侍郎聞喜裴炎崔知溫

聞喜縣漢屬河東郡隋以漢聞喜縣為絳縣以漢絳縣為曲沃縣以桐鄉置聞喜縣尋改為桐鄉縣武德元年復曰聞喜中書侍郎京兆王德真並同中書門下三品屬絳州

知溫知悌之弟也秋七月吐蕃寇河源左武衛將軍

黑齒常之擊却之

考異曰寶錄吐蕃大將贊婆及素和貴等帥衆三萬進寇河源屯兵于

良非川辛巳河西鎮撫大使李敬玄統衆與賊戰于涅川官軍敗績副使左武衛將軍黑齒常之帥精騎三千

夜襲賊營殺獲二千餘級贊婆等遂退擢常之為河源軍經略大使詔敬玄留鎮鄯州以為之援按儀鳳三年九月敬玄已與吐蕃戰敗于青海常之夜襲虜營賊乃退與此事頗相類舊書敬玄傳止一敗無再敗常之傳儀鳳中從敬玄擊吐蕃走跋地設充河源軍副使時贊婆等屯良非川常之夜襲賊營走之擢為大使事似同時新書敬玄傳戰青海又戰湟川凡再敗常之傳儀鳳三年襲跋地設調露中襲贊婆唐歷統紀皆無今年敬玄敗事又實錄今年八月丁巳敬玄敗衡州刺史辛巳至丁巳纔三十七日賈耽皇華四達記自長安至鄯州約一千七百餘里時高宗又在東都若敬玄敗後累表稱疾得報乃來至東都必數日乃敗非三十七日之內所能容也今略去敬玄湟川敗事但云吐蕃寇河源常之擊却之而已今按劉昫唐書地理志鄯州在京師西一千九百一十三里

擢常之為河源軍經略大使常之以河源衝

要欲加兵戍之而轉輸險遠乃廣置烽戍七十餘所開屯田五千餘頃歲收五百餘萬石由是戰守有備焉先是劔南募兵於茂州西南築安戎城以斷吐蕃通蠻之

路

宋白曰茂州本冉駝之國漢開為汶山郡華陽國志云宣帝地節三年武都白馬羌反使駱武平定之汶

山吏民詣武自訟一歲再度更賦至重邊人貧苦無以供給求省郡遂省汶山郡復置都尉今州即漢蜀郡汶江縣梁普通三年置繩州取桃園之路以繩作橋以名州後周為汶州置汶山縣唐改茂州取界內茂滋山而

名

吐蕃以生羌為鄉導

先志薦翻斷丁管翻鄉讀曰嚮

攻陷其城以兵

據之由是西洱諸蠻皆降于吐蕃

洱而志翻降戶江翻

吐蕃盡據

羊同党項及諸羌之地東接涼松茂雋等州南鄰天竺

西陷龜茲疎勒等四鎮

党底郎翻雋音髓龜茲音丘慈

北抵突厥地方

萬餘里諸蕃之盛莫與為比 丙申鄭州刺史江王元

祥薨

鄭州漢滎陽縣地漢滎陽屬河南郡晉分為滎陽郡後魏屬北豫州後置鄭州隋開皇十六年改曰

管州大業初

突厥餘衆圍雲州

雲州漢平城縣地後魏為代都北齊及後

復曰鄭州

周為恒安鎮貞觀七年置雲州及定襄縣

代州都督竇懷慙

慙與哲同

右領軍中

郎將程務挺將兵擊破之

將即亮翻

八月丁未上還東都

中書令檢校鄴州都督李敬玄軍既敗屢稱疾請還

上許之既至無疾詣中書視事上怒丁巳貶衡州刺史

衡州漢邕縣蒸陽耒陽茶陵縣地吳置湘東郡梁陳置

衡山郡隋平陳置衡州京師東南三千四百三日至東

都二千七百

有六十里

太子賢聞宮中竊議以賢為天后姊韓國

夫人所生內自疑懼明崇儼以厭勝之術為天后所信

厭於

葉翻

常密稱太子不堪承繼英王貌類太宗又言相王

相最貴

相悉亮翻

天后嘗命北門學士撰少陽正範

顏延之曲水詩

序曰正體毓德於少陽注云東宮少陽位也少詩照翻

及孝子傳以賜太子

傳直總翻

又數作書誚讓之

數所角翻誚才笑翻

太子愈不自安及崇儼死

賊不得天后疑太子所為太子頗好聲色與戶奴趙道

生等狎昵

好呼到翻
昵尼質翻

多賜之金帛司議郎韋承慶上書

諫不聽

上時
掌翻

天后使人告其事詔薛元超裴炎與御史

大夫高智周等襍鞠之於東宮馬坊搜得皂甲數百領

以為反具道生又款稱太子使道生殺崇儼上素愛太

子遲回欲宥之天后曰為人子懷逆謀天地所不容大

義滅親何可赦也甲子廢太子賢為庶人遣右監門中

郎將令狐智通等送賢詣京師

監古銜翻
將即亮翻

幽于別所黨

與皆伏誅仍焚其甲於天津橋南以示士民

劉昫曰東都周之王

城平王東遷所都也故城在今苑內東北隅自赧王以

後及東漢魏文晉武皆都於今故洛城隋大業元年自

故洛城西移十八里置新都今都城是也北據邙山南

對伊闕洛水貫都有河漢之象跨洛為橋曰天津橋唐

世人主往來東都西京而

實都長安以長安為京師

承慶思謙之子也

韋思謙見一百九十

九卷永徽元年乙丑立左衛大將軍雍州牧英王哲為皇太子

雍於用翻改元赦天下太子洗馬劉訥言嘗撰俳諧集以獻

賢賢敗搜得之上怒曰以六經教人猶恐不化乃進俳

諧鄙說豈輔導之義邪流訥言於振州

舊志振州與崖州同在大海洲

中至京師八千六百六里至東都七千七百九十七里

洗悉薦翻撰士免翻俳蒲皆翻 考異曰新傳云除名

為民復坐事流死

左衛將軍高真行之子政為太子典

振州今從實錄

膳丞事坐與賢連上以付其父使自訓責政入門真行以

佩刀刺其喉真行兄戶部侍郎審行又刺其腹真行兄

子琰斷其首弃之道中

刺七亦翻琰從宣翻斷丁管翻

上聞之不悅貶

真行為睦州刺史審行為渝州刺史真行士廉之子也

舊志睦州京師東南三千六百五十九里至東都二千

八百二十一里渝州漢末之巴東郡隋置渝州京師西

南二千七百四十八里至東都三千

左庶子中書門下

四百三十里高士廉長孫无忌之弟

三品張大安坐阿附太子左遷普州刺史

舊志普州至京師二千三百六十里至東都

三千二百三里

其餘官僚上皆釋其罪使復位左庶

子薛元超等皆舞蹈拜恩右庶子李義琰獨引咎涕泣

時論美之 九月甲申以中書侍郎同中書門下三品

王德真為相王府長史罷政事

唐制王府置長史司馬長史從四品上司馬從

四品下長史司馬統領府僚紀綱職務相悉亮翻

冬十月壬寅蘇州刺史曹

王明

蘇州古吳國東漢為吳郡隋置蘇州因姑蘇山而名

沂州刺史嗣蔣王煒

沂州

漢琅邪國後魏置北徐州後周改沂州以沂水名隋為琅邪郡唐復以琅邪郡置沂州煒于鬼翻

皆坐

故太子賢之黨朋降封零陵郡王黔州安置煒除名道

州安置

道州漢零陵郡冷道馮乘之地隋以零陵郡置永州武德四年分置營州貞觀八年改曰道州

舊志黔州京師南三千一百九十三里至東都二千二百七十七里

丙午文成公主薨

于吐蕃 己酉車駕西還 十一月壬申朔日有食之

開耀元年

是年十月方改元新書作九月

春正月突厥寇原慶等州乙

亥遣右衛將軍李知十等屯涇慶二州以備突厥 庚

辰以初立太子敕宴百官及命婦於宣政殿

西京東內正殿曰含

元後殿引九部伎及散樂自宣政門入

杜佑曰散樂即百戲也伎渠綺

翻散卷

太常博士袁利貞上疏以為正寢非命婦宴會

之地路門非倡優進御之所

上時掌翻
倡音昌

請命婦會於別

殿九部伎自東西門入其散樂伏望停省上乃更命置

宴於麟德殿

麟德殿麟德中所作也閩本大明宮圖翰林院密邇麟德殿韋執誼曰翰林院在右

銀臺門內麟德殿在西
重廊之後更工衡翻

宴日賜利貞帛百段利貞昂之

曾孫也利貞族孫誼為蘇州刺史自以其先自宋太尉

淑以來盡忠帝室

袁淑死於宋元凶之難袁顗以死奉
子勛袁昂盡節於齊室袁憲盡忠於

陳後主

謂琅邪王氏雖奕世台鼎而為歷代佐命

琅邪王
氏股肱

晉室而王弘為宋室佐命王儉為齊室佐命
梁室之興庾景之篡王亮王克為勸進之首
耻與為比

嘗曰所貴於名家者為其世篤忠貞才行相繼故也

為于

偽翻行彼鬻婚姻求祿利者又烏足貴乎時人是其言

下孟翻因袁利貞併著袁詡之言以其有益於名教也

裴行儉軍既還突厥阿史那

伏念復自立為可汗

復扶又翻杜佑曰伏念頡利從兄之子

與阿史德溫

傳連兵為寇癸巳以行儉為定襄道大總管以右武衛

將軍曹懷舜幽州都督李文暕為副將兵討之

暕去限翻將即

亮翻二月天后表請赦杞王上金鄴陽王素節之罪以

上金為沔州刺史

沔州漢安陸之地晉置沔陽縣江左為魯山鎮隋開皇十七年置漢陽縣

屬復州復州治沔陽大業初改復州曰沔

州唐復以沔州為復州分漢陽置沔州

素節為岳州

刺史

岳州漢下雋縣地吳置巴陵縣晉置建昌郡梁置巴州隋改曰岳州因天岳山以名州大業初改羅

州唐復曰岳州舊志岳州京師東南二千二百三十七里至東都一千八百一十六里

仍不聽朝

集

朝直
遥翻

三月辛卯以劉仁軌兼太子少傅餘如故

仁軌

先為尚書左僕射
同中書門下三品

以侍中郝處俊為太子少保罷政事

少府監裴匪舒善營利

少詩
照翻

奏賣苑中馬糞歲得錢二

千萬緡上以問劉仁軌對曰利則厚矣恐後代稱唐家

賣馬糞非嘉名也乃止匪舒又為上造鏡殿成

偽為子翻

上

與仁軌觀之仁軌驚趨下殿上問其故對曰天無二日

土無二王

孟子識孔子之言

適視四壁有數天子不祥孰甚焉

上遽令別去

去亮呂翻

曹懷舜與裨將竇義昭將前軍擊

突厥

將即亮翻下同又音如字

或告阿史那伏念與阿史德溫傳在

黑沙

黑沙城後突厥默啜以為南庭

左右纔二十騎以下可徑往取也

騎寄翻

懷舜等信之留老弱於瓠蘆泊

水白為泊

帥輕銳倍道

進至黑沙無所見人馬疲頓乃引兵還會薛延陀部落

欲西詣伏念遇懷舜軍因請降

帥讀曰率降戶江翻

懷舜等引兵

徐還至長城北遇溫傳小戰各引去至橫水

橫水去金河百四十

許里遇伏念懷舜義昭與李文暕及裨將劉敬同四軍合

為方陳

陳讀曰陣

且戰且行經一日伏念乘便風擊之軍中

擾亂懷舜等弃軍走軍遂大敗死者不可勝數

勝音升懷

舜等收散卒斂金帛以賂伏念與之約和殺牛為盟伏

念北去懷舜等乃得還

還從宣翻又音如字

夏五月丙戌懷舜免

死流嶺南 己丑河源道經略大使黑齒常之將兵擊

吐蕃論贊婆於良非川破之收其糧畜而還

畜許救翻

常之

在軍七年吐蕃深畏之不敢犯邊

初太原王妃之薨

也

武士彠封太原王妃從其爵咸亨元年薨

天后請以太平公主為女官以

追福

公主天后女也

及吐蕃求和親請尚太平公主上乃為立

太平觀以公主為觀主以拒之

為于偽翻觀古玩翻

至是始選光

祿卿汾陰薛曜之子紹尚焉紹母太宗女城陽公主也

據會要城陽公主先降杜荷荷誅降薛瓘新書亦然

秋七月公主適薛氏自興安

門南至宣陽坊西燎炬相屬

自興安門而南歷三坊至宣陽坊萬年縣治在焉屬

之欲

夾路槐木多死紹兄顓以公主寵盛深憂之

顓魚豈翻

以問族祖戶部郎中克構

唐戶部郎掌分理戶口井田之事凡天下十道任土所出

為貢賦之羞

克構曰帝甥尚主國家故事苟以恭慎行之亦

何傷然諺曰娶婦得公主無事取官府不得不為之懼

也天后以顓妻蕭氏及顓弟緒妻成氏非貴族欲出之

曰我女豈可使與田舍女為妯娌邪

為于偽翻妯直六翻娌兩耳翻妯娌

婦也

或曰蕭氏瑀之姪孫國家舊妯

蕭瑀子銳尚太宗女襄城公主乃

止夏州羣牧使安元壽奏自調露元年九月以來喪

馬一十八萬餘匹監牧吏卒為虜所殺掠者八百餘人

夏戶雅翻使疏吏翻喪息浪翻唐諸牧監掌羣牧孳課之事凡諸羣牧立南北東西四使以分統之其馬皆印每歲終監牧使巡案孳數以功過相除為之考課此止夏州所喪失之數

薛延陀達渾等

五州四萬餘帳來降

達渾都督領姑衍州步訖若州
嶧彈州鶻州低粟州降戶江翻

甲午左僕射兼太子少傅同中書門下三品劉仁軌固請解僕射許之
閏七月丁未裴炎為侍中崔知溫薛

元超並守中書令

上徵田遊巖為太子洗馬在東宮

無所規益右衛副率蔣儼

右衛副率從四品上
洗悉薦翻率所律翻

以書責

之曰足下負巢由之俊節傲唐虞之聖主聲出區宇名

流海內主上屈萬乘之重申三顧之榮

三顧用諸葛亮事上幸嵩山嘗

至遊巖所居故云然乘繩證翻

遇子以商山之客

漢四皓隱於商山

待子以不

臣之禮將以輔導儲貳漸染芝蘭耳

漸子廉翻

皇太子春秋

鼎盛聖道未周僕以不才猶參庭諍足下受調護之寄

漢高帝謂四皓曰頃公卒調護太子

是可言之秋唯唯而無一談悠悠以

卒年歲

唯于癸翻卒子恤翻

向使不食周粟

夷齊休薇西山不食周粟食干安翻

僕

何敢言祿及親矣以何酬塞

遊巖有母塞悉則翻

想為不達謹書

起予

孔子謂子夏曰起予者商也爲于偽翻

遊巖竟不能答 庚申上以

服餌令太子監國

監古街翻

裴行儉軍于代州之陁口

即鴈

門之陁嶺關

多縱反間由是阿史那伏念與阿史德溫

口陁音刑

傳浸相猜貳伏念留妻子輜重於金牙山

突厥之初建牙於金山其

後分爲東西突厥凡建牙之地率謂之金牙山蘇定方直抵金牙山擒賀魯此西突厥可汗所居之金牙山也裴行儉遣程務挺等掩金牙山取伏念妻子此東突厥可汗所居之金牙山也可汗所居謂之金帳故亦以金牙言之問古覓翻下同

以輕騎襲曹懷舜行儉遣裨將何

迦密自通漠道程務挺自石地道掩取之

騎奇寄翻將即亮翻下同

迦居牙翻
天居如翻

伏念與曹懷舜約和而還比至金牙山

還從
宣翻

比必
利翻

失其妻子輜重士卒多疾疫乃引兵北走細沙行

儉又使副總管劉敬同程務挺等將單于府兵追躡之

伏念請執溫傳以自效然尚猶豫又自恃道遠唐兵必

不能至不復設備

走音奏躡泥輒翻
復扶又翻單音蟬

敬同等軍到伏念

狼狽不能整其衆遂執溫傳從間道詣行儉降候騎告

以塵埃漲天而至將士皆震恐行儉曰此乃伏念執溫

傳來降非它盜也然受降如受敵不可無備乃命嚴備

遣單使迎前勞之少選

間古覓翻降戶江翻下同騎奇寄翻使疏吏翻勞力到翻少選

猶言少

伏念果帥酋長縛溫傅諸軍門請罪

帥讀曰率酋慈由翻

項也

長知行儉盡平突厥餘黨以伏念溫傅歸京師

厥九勿翻

十月丙寅朔日有食之

壬戌裴行儉等獻定襄之

俘乙丑改元

改元開耀

丙寅斬阿史那伏念阿史德溫傅等

五十四人于都市

既書十月丙寅朔日食方書壬戌裴行儉獻俘乙丑改元又書丙寅斬阿

史那伏念等是十月一月內有二丙寅矣此舊史之誤通鑑因之失於檢點也新書是年九月乙丑改元蓋壬戌獻俘亦九月事前行儉為定襄道初行儉許伏行軍大總管以討突厥故曰獻定襄之俘

念以不死故降裴炎疾行儉之功奏言伏念為副將張

虔勗程務挺所逼又迴紇等自磧北南向逼之窮窘而

降耳

紇下沒翻
磧七迹翻

遂誅之行儉歎曰渾濬爭功

事見八十
一卷晉武

帝太康元年言若爭伏念之死

古今所耻但恐殺降無

則是與張虔勗程務挺爭功

復來者

復扶
又翻

因稱疾不出

丁亥新羅王法敏卒


卒子
恤翻

遣使立其子政明 十一月癸卯徙故太子賢於巴州

舊志巴州至京師二千三百六
十里東都二千五百八十二里



資治通鑑卷二百二



總校官庶吉士臣侍朝

校對官檢討臣龔大萬

謄錄監生臣賈捷三